



12371

見素集奏議目錄

卷之一

奏議

扶植國本疏

西曹稿

全大體以召大和疏

外臺稿

陳言疏

災異陳言疏

養病疏

辭免就任疏

謝恩疏

內臺稿

見素集奏議

目錄

侍養疏

再乞侍養疏

災異陳言疏

錄正人以端國本疏

薦賢自代疏

災異疏

懇乞休致疏

申乞休致疏

勘都御史韓邦問疏

勘知府王塘李復貞疏



定祿米數

處置缺少糧料疏

地方災異疏

褒異舊臣疏

卷之二

奏議

撫處王武等疏

正事體以別嫌疑疏

災患疏

查報擒獲盜賊為各官開俸疏

凡素集奏議

目錄

更調官員疏

復州治疏

論寧府用琉璃疏

巡撫謝恩疏

進繳巡視 敕書關防疏

水患疏

請復常平疏

均平稅糧鹽鈔疏

均平丁糧徭役疏

守制乞免關勘合疏

回話疏

申明處置地方疏

辭免再起江西巡撫疏

卷之三

奏議

預處地方容令致仕疏

西征稿

通江捷音疏

叅駁楊友謀復官職衙門疏節略

致仕疏

奪獲流賊印刀疏

見素集奏議

目錄

災異處置地方疏

江津捷音

卷之四

奏議

急除大逆以禦大亂疏

慶幸討賊未綏福祚疏

回話疏

藍馱等捷音

辭免陞賞賊平曲容致仕疏

大垵捷音

更賢討賊疏

再辭陞賞疏

卷之五

奏議 起輔新政稿

辭免起用第一疏

第二疏

第三疏

第四疏

議禮疏

請親大臣疏

見素集奏議

目錄

卷之六

奏議

請勤學疏 秋臺稿

止司禮監奏補人匠疏

正違禁番貨賞緣給主疏

舉大禮以成大孝疏

奉乞致仕第一疏

第二疏

節財用以謹天戒疏

論御史楊百之陰右張儀疏

闢異端疏

錄名德以重士風疏

杜私嫌以公大法疏

乞寢內降以正法守疏

再乞寢內降以正法守疏

回話疏

卷之七

奏議

奏乞致仕第三疏

奏乞致仕第四疏

兄素集奏議

目錄

患病定奪印信疏

奏乞致仕第五疏

定奪印信俸給疏

奏乞致仕第六疏

謝恩疏

奏乞致仕第七疏

奏乞致仕第八疏

辭免致仕渥恩疏

辯李夢陽獄

按張龍疏

正廖鵬等獄

論內臣犯法當付法司推讞疏

平大法疏

論盜內府財物不當輕貸疏

辯王元愷等獄

陳愚悃以附餘忠疏

霽 天威養 聖德疏

劾遺直以畢餘忠疏

見素集奏議

目錄

六

見素集奏議目錄終

後學黃佐 校正

族子 富 編集

後學柯維騏 重校

孫男 及祖重梓

奏議

西曹稿

扶植國本疏

刑部四川清吏司員外郎 臣林俊謹

奏為扶植國本事 臣節該伏觀

見素集卷之一

奏議

黃一調

大明律凡軍民利病一切興利除害之事許直言無隱欽此欽遵 臣惟君人之德莫大於聽納臣子之罪莫加於欺罔今年以來災異迭興兩京地震

陵寢搖動日月繼食野熊入城鑒戒之昭莫此為甚而

醜虜陸梁犯我北鄙邊氓騷擾戍卒咨怨誠不可不

為之慮也 臣愚謂此尚手足之疾耳陝西山西河南

連年飢荒陝西尤甚人民流徙別郡及荆襄等處日

數萬計甚者闔縣無人可者十去七八倉廩懸磬拯

救無法樹皮草根食取已竭餓殍填路惡氣薰天道

路聞之莫不流涕而巡撫巡按三司等官肉食彼土



既知荒旱自合奏取

聖裁顧乃茫然無知愆不加意勢至若此尚猶顧盼徘徊  
專事蒙蔽視民飢饉而不恤輕國重地而不言夫物  
極則變草澤之中禍深難測此誠腹心危急之疾治  
之當如救焚拯溺不可少緩者也乃者大學士萬安  
等具言將生員人等納米是固救荒之一策然此等  
欲事輕齎則彼地空乏買米無從欲他方轉運則困  
於劫掠道里難進臣恐緩不及事爲今之計宜  
下寬恤之詔重欺罔之罪以收人心即遣才力大臣弁科  
道部屬廉能等官分贖內帑之財星馳前往臨清等  
處聽其地里近便有運到官糧或鄰封積蓄官爲雇  
車裝運無程以行隨在賑濟則未死之餘民猶或可  
及然臣又有說焉孟軻有言死我所惡所惡有甚於  
死者故患有所不避也臣說一行則可洩

天地神人之憤快

聖祖神宗之心彰

陛下爲聖明聽納之主奠

宗社萬億年無疆之休萬一忤

旨禍止臣一身耳臣何惜一身之禍不爲

陛下陳之臣聞脩養之說恠誕無徵佛氏之教幻妄無取

故其事不見於堯舜禹湯之世其誣每見於唐宋儒  
先之論史冊所稽不可泯也謹按僧繼曉本一儉險  
小人市井無賴曩者猥指邪術欺誑

楚府及至事敗挾拿却乃竄身逃罪不圖自新益加縱  
誕潛住京師多方籠緣誤蒙

聖眷疊賜異恩五尺兒童切齒唾罵敢復肆無忌憚惑亂  
聖聰發內庫銀數十萬兩蓋大鎮國永昌寺臣細思之

陛下聰明齊聖斷不爲此是必繼曉小人倡爲誕說謂此  
寺一建則

聖壽益綿

見素集卷之一

奏議

三

之

國祚益昌民命益永邊境益寧以此啗

陛下耳曾不知以有用之財供無益之費國計且日削矣  
以

陛下超三邁五之資蹈唐憲梁武之轍

聖譽且日損矣下人師師爭先事佛

聖政且日壞矣居民重遷工役不息人怨且日興矣縱如  
繼曉之言先王之政斷不爲此况萬無是理顧有大

害者哉昔衛懿公好鶴鶴有乘軒者將戰國人受甲  
若皆曰使鶴鶴實有祿位余焉能戰夫鶴之好似若

未害其失人尚若此伏望

陛下以類推之臣謂不斬繼曉異日之禍未可言也然縱  
之者梁芳也梁芳傾覆陰狠引用邪佞排斥忠良輔  
之者驟得美官觸之者動遭竄逐欺罔如趙高奢侈  
如石崇數年之間假以

進貢買辦爲名盜

祖宗百餘年之府藏殆盡家貲山積尚銘不足多所在風  
擾汪直莫能過乃復薦進繼曉陰求蓋寺虛耗內財  
飛語外人謂其極意不肯爲是被

陛下逼脅只得屈從是畏天下議已欲

陛下專擅謗耳夫臣善則稱君過則歸己今梁芳欲文已

見彙集卷之一

奏議

四

之

奸而以過歸

陛下卽此一事已不容於誅矣且天下猶身也賢才元氣

財骨肉小人疾病也梁芳耗元氣削骨肉而引之以

疾病臣竊爲身危之臣斷謂粉梁芳之身不足償其

罪之萬一耳臣德不足信職非言官熟知自默可以

固位顧乃不自揣量與此二權奸臣抗可否是猶螭

觸山蛾赴火已不可言智矣然臣惟牛而耕犬而守

走獸之微亦以勞而食也臣食於

陛下且七年矣近年勞復蒙增秩感愧無地中夜以思

涕泪交流謂

人主深居九重利害豈能盡知而  
祖宗在天之靈亦望臣等以言進於

陛下也今內而大臣次而百官以及閭井之徒亦皆痛心  
飢民之死欲食梁芳繼曉之肉卒之不敢以此言進  
於

陛下者所惜者官所畏者死耳使臣復不言則  
陛下終不寤

祖宗在天謂臣等何如人天下後世謂臣等何如人秉筆  
史官必譏笑臣等恐將及

陛下矣昔魏任座荅文侯何如主之問以直觸怒及問程  
見素集卷之一 奏議 五 危四

璜曰仁君也君仁則臣直向者任座之言直文侯  
悅使璜召座迎爲上客臣不敢過望此然亦豈恐懷  
不直之言爲

陛下仁聖之累耶臣誠不畏死惟  
陛下留神聽覽熟計而必行之則

祖宗之光

社稷之福臣民萬世之幸如臣言非是甘受顯戮以昭欺  
罔臣不勝激切具本親齎謹具奏

聞成化甲辰八月進疏留中傳

旨下錦衣獄責三十降姚州判官乙巳正月元日星變

上悟傳

旨林俊張黻復原職南京用黻論救者

外臺稿

全大體以召大和疏

雲南等處提刑按察司副使臣林俊謹

奏爲全大體以召大和事臣處遠官不備詳

國家事近聞京城內外多

奏災異及南京監察御史姜綰繆孫紘等與守備太

監蔣琮劾奏多得左遷者臣聞和氣致祥子思子謂

致中和天地位萬物育今中和之致孰有過吾

見素集卷之一

奏議

六

卷四

陛下者而災異乃爾意者庶官不和之所致耳臣聞有虞

之世穆穆明明故俞不爲誚吁不爲懃咨者舉者流

放竄極者不爲德且怨今綰等以小事相構結若此

其宅心縱是處事亦疎臣往見綰等聞琮言事切直

極口歎賞今見琮行事急迫遂列彈文構大獄煩

聖聰臣雖至愚亦私議而竊少之矣然臣聞此事亦關大

體夫人孰無過顧大小何如耳琮之過小未足盡言

其他豈無有大於是者乎使皆曰彼言而獲罪吾何

敢言則無復有言者矣臣又聞兩京六部大臣王恕

等及科道皆有論救不蒙

采納者臣亦未悉其詳然臣聞縮等事小未足深救其他豈無有大於是者乎使皆曰大臣科道及素所愛知者不能救吾何敢救則無復有救者矣耳目之司不聞蹇諤股肱之任不見可否事何由正

陛下何由知在大體又何由全也臣望庶寬以和者竊以內外迹殊易生嫌隙嫌隙一生則將來之患恐不可已又恐不知者謂縮等不以罪去而以言去則

陛下之心不顯白於天下此二大體尤陛下所深計而力圖者也如蒙伏望

皇上斷自宸衷爲言官惜爲衆論惜爲

見素集卷之二

奏議

七

之

國家大體惜納恕等之言宥縮等之罪如天之必覆海之必涵丸之必轉雪霜摧折之必見陽春或論復其官或改任司寺京職則縮之事息琮之心亦安朝野臣民之心自慰沚氣潛消太和宣暢

朝廷和庶官和萬民和天地之氣亦和而縮等困心觸罪之餘感恩思過之不暇其成就報稱必有大過人者此

天地父母覆載之恩

聖門一大美事臣偶有見不敢不言伏惟

聖納無任欣幸之至下都察院叅稱本官素以直言見稱

於時今萬里天涯特論及於事言最切直伏乞

聖明量爲區處奉

聖旨姜綰等已發落了罷欽此

陳言疏此疏進至京爲張東白停止

奏爲陳言事臣荷

國恩叨擢前職喜懼交并罔知報稱經歷之方與官吏  
軍民父老人等宣說

陛下仁孝納諫任人惕厲憂勤古往無比聞者莫不欣戴  
或感激涕下然奉

德宣

見素集卷之二

奏議

八

20

譽固臣之心而補過納忠亦臣之職臣讀史見前代之君  
初政莫不精明其後漸自不及盖人非已用事非已  
行又在春宮熟聞利弊譬如棋局正在旁觀時矣一  
即大位遂決罷行及其漸也用人自己行事自己即  
如當局則迷時矣故私心或勝文過或深言官論列  
鮮有能聽而必改者故始則明終則否始則治終則  
不治臣觀至此爲之惻然伏惟

陛下天啓神聖英武聰明堯舜之君誠不是過安肯蹈此  
然勤始怠終亦臣愚之一慮也且

陛下堯舜也臣敢不以堯舜之事爲陳

陛下以言用臣也臣又敢不以言自效謹採古書及士論所同治道所急者撰成一十四事用塵睿鑒事若小而實大言若迂而實可行伏望

特出宸斷毅然舉行若下延議恐有顧忌沮抑之處弊端從此不可復矣臣識不逮人官已踰分竊以身決後日利弊之機萬一少補

聖時死亦無悔爲此具本順差 謹具奏

聞

計開

一親下臣惟上下交則德業成故乾下坤上爲泰乾

見素集卷之二

奏議

九

黃六

上坤下爲否言交與不交之驗也竊見

陛下即位以來百廢具興惟於臣下不聞引見都俞未作

上下未交堯舜之治恐不當此竊意今後文武大

臣及翰林科道部屬等官日召數人便殿接見或

賜坐賜茶論學論政或論古人盛衰治亂之由務

使情洽意孚然後命退引見之際仍令科道翰林

在旁糾誌奸佞來朝方面知府亦或賜問不惟可

以養德性通民情感人心

聖躬精神自爽血脉自通而壽年於萬矣

一師古臣惟圖治莫先於爲學爲學莫要於師古古



人之書於治道要且切者莫如說命旅獒無逸數篇乞命中書騰寫置之便殿時加

省覽觀說命則知君臣相與之難觀旅獒則思不役耳目之好觀無逸則謹憂勤逸樂之辨常接乎日每警乎心則心益正身益脩而治道洽矣

一納言臣惟國家之安危係言路之通塞然宜通而卒不通者蓋言路通則人君不得縱其欲內臣不得肆其志大臣不得竊其位小臣不得行其私是君忌之內臣忌之大小臣又忌之勢益孤身益危居者非得已而設者爲國家也向非君上知爲國

見秦集卷之一

奏議

十

黃六

家而設而傾心求之霽威待之加意全之則言官傷言官傷則聰明蔽聰明蔽則百弊起臣不敢遠舉竊以近日觀之自言官受撻正士投荒權奸遂縱方術橫流天下幾於風擾府庫爲之一空使非先帝悔之早

陛下去之決延蔓數年豈可復救伏望

聖明未開言路勿疑其矯情勿厭其逆耳廣以聽之審以行之優以處之讒間不移始終如一則言路通而國本固矣

一舉賢臣惟帝王之世禮聘異才漢唐之君亦多徵

辟裨治化敦澆風振耀華夷垂光國史非細事也  
切見檢討陳獻章叅議賀欽僉事章懋志尚古人  
行高時輩王恕彭韶等流亦不多讓乞起獻章爲  
學士欽爲僉都御史懋爲大理寺丞盛典一舉海  
內嚮風群賢用而治化增

盛德崇而大業廣矣

一明義臣惟內臣供事闕庭不宜監軍鎮守近因言  
者無識徒痛指其害人以故不蒙

採納夫人品雖殊降衷同得論小善則內臣豈無指害人

則外臣難免然軍校雖便不直掖庭婦女雖強不

見素集卷之一

奏議

十一

危四〇

叅戎伍義不當也故夙沙衛帥師春秋惡之楊思  
勗平亂綱目議之誠以內臣與政國爲無人辱莫  
甚焉不然殿師平亂國之美功聖賢豈有偏惡而  
反遏之者哉伏乞

按春秋綱目之旨取回鎮守監鎗內臣以杜後議則  
大義彰而宿弊革矣

一脩文臣惟詔勅文誥所以昭人文動觀聽關係非  
輕唐制悉由中書後以萬樞委積時有滯遺更置

翰林別掌詔勅

國朝總之

內閣即古中書之意滯遺之失或不能無竊意亦倣  
唐時故事機密重務內閣草制其餘誥勅詔諭令  
侍講以下入直分草別選詞藝儒臣如吳寬李東  
陽數輩詳加脩飾方送  
內閣校正發寫仍將各草工拙以爲殿最使之盡心  
則人文盛而制作純矣

一存體臣惟大臣國之股肱進退宜存大體近者言  
官論列極言無諱竊恐議者將謂國家無人貽笑  
後世取輕四夷非美事也臣意今後彈劾止槩言  
其才力弗堪或內多慙德仍下其奏部屬許科道  
科道許部屬計議可否可則勸留否則勸免  
陛下親與大臣商確善爲進退勿事姑息則大體存而公  
論得矣

一養恥臣聞禮義廉耻國之四維况在士夫尤宜護  
惜近者臣下微過輒撻之

廷或下鎮撫遂使權奸之徒夤緣爲虐撻言官有因  
致死入鎮撫槩受拘繫恐非待臣養耻之道臣意  
今後臣下有過量其重輕或罰俸或送法司問罪  
仍乞

降旨未爲定例若喜怒不常偶有前旨即效古人封還詞

頭之意許承旨官封還伏候別旨毋事阿從則庶  
耻全而士氣勵矣

一興讓臣竊見帝王之世百僚師事羣后德讓近者  
奔競日熾士習益漓皆由遜讓之風不行故也臣  
意今後舉用大臣及方面知府俱令推讓才行勝  
已一人吏部案留別用或才優數等奏許讓官其  
庶吉士亦令同榜進士互相推讓年少學優敦厚  
清古者四十餘人送內閣考選讀書又令各部辦  
事三月已滿進士通赴吏部推讓學行氣節優長  
百名列爲等第呈部詳察遇科道員缺拔其充者

見素集卷之二

奏議

十三

之

選補爭求者許該部記名外選蓋大臣尊而難知  
同類親而易見舉行此法庶得實才則遜讓興而  
風俗厚矣

一立信臣節該伏觀

詔書畧處詞訟除謀逆并賊盜攻陷地方重情外其餘一  
應輕重事情類行原籍官司巡按巡撫問理不許  
輒便擬奏差官提勘攪擾軍民欽此欽遵臣竊有  
以見

陛下洞燭此弊故及之耳遠近相傳莫不欣忭近聞又差

錦衣衛官往南京體勘人命提取犯人臣恐失此

信於天下又恐竊弄之機或伏於此伏乞今後仍  
依

詔書除誅逆并攻陷地方重情外其餘一應輕重事情類  
行本處官司并巡按巡撫問理不許輒擬差官違  
者許科道彈劾則大信立而民不擾矣

一議禮臣竊惟宣聖帝王之師祀典宜在尊崇但宋  
欲追帝廷臣請罷禮不可也我

朝祭用王禮近加天子禮樂夫國學朝廷遣祭用之  
可也郡縣祭出有司豈宜僭用且舞具而樂不全  
豆加而牢不設名在實亡神靈豈享臣意今後國

見素集卷之一

奏議

十四

之

學如今禮其餘悉令如舊則大禮正而義例明矣  
一正法臣惟

祖宗律例內官與文官有為賊私貪酷一體科斷為民充  
軍成化年間刑官附權變亂成法朦朧奏允內官  
不分賊私等情俱擬還職奏

請及至得旨多坐貶斥遂使恩出刑官怨歸

朝廷且知禮者固不為移玩法者因而無忌是私之  
寔害之也臣惟

三朝法

祖宗必首正此而兩京言事無一能及伏乞今後內官為

事仍與文官一體科斷則舊法正而刑罰均矣

一實錄臣惟

祖宗時纂脩實錄翰林降調者多得取回恭惟

憲宗純皇帝在位二十四年盛德隆功際天極地止令見  
在儒臣纂脩恐或漏遺切照侍講謝鐸前太子洗  
馬羅璟編脩黃仲昭檢討莊昶或以憂去位或以  
諧改官以言調職行高學富史筆優長伏乞起復  
鐸等原職或陞其官其已陞官者或依今官支俸  
與脩實錄則先烈揚而紀載實矣

一宥過臣惟

奏議

十五

黃六

見素集卷之二

尊嚴之下舉措實艱意外之虞周防難悉故傳稱赦小過  
又曰宥過無大臣意今後官員失儀題奏遺落差  
別字樣若出無心俱乞原免則

聖度宏而人心悅矣

災異陳言疏

湖廣等處提刑按察司按察使臣林俊謹

奏為陳言脩省以回

天變事臣竊見湖廣槩屬自弘治六年十一月十四日以  
來連大雨雪二十九日夜至十二月初四日夜連大  
雷電風雨卒暴電霰交作霖霧晝晦雨木成冰膠結

纏綴折裂震野摧墮遍山谷簷冰盈丈瓦雪數尺鷹  
飢附人虎窮入市其他禽獸手可攫取頭畜凍死殆  
盡有卷百牛不存一隻者有敗萬羊僅存數隻者草  
十束可易一牛馬一束可易一羊死者升斗米豆可  
買柴薪涌貴軍民多凍死地方災變誠若非常者鎮  
巡三司寧復道其責哉然刑尤易於召災提刑者按  
察也總司者按察使也臣蠢僻昏庸奉職無狀召此  
災變心切怖惶雖萬到其軀不足以償其罪之萬一  
爾然臣又疑他或有致之者貴州借調官軍措運糧  
餉軍苦戰鬪民疲輓輸都勻之征勢或不得已者斯  
臣之所未喻也德安安陸創造

見素集卷之一

奏議

六

黃八〇

興岐王府工役浩繁財費鉅萬民命良以不堪

吉府復增修蓋夫土階三尺古天子尚然矣今之府第

何若耶夫第大則心侈侈則驕驕則踰分往轍可鑒

也也而論之第大則難於割蓋而亦難於脩葺所居

人少則屋宇寂寞易生疾疢臣恐

興岐二府宜小而不宜大

吉府宜脩而不宜蓋又宜循

寧襄德府故事用銅瓦不用琉璃及白石雕刻闐干采

集輿論定爲著令

詔諭親王咸悉意指則

陛下內不失親親之恩外不失愛民之仁財可節役可省  
事可繼業可久民怨可消而

天意可回矣然臣又聞直隸河南山陝江浙川貴皆大雪  
臣又疑焉夫雨陰也雪雨之陰也雹亦陰也大雪連  
月且廣又雹陰縱也雷電不應冬而有不應雪而有  
不應諸郡同有陰脇陽急且甚也木少陽也陰脇則  
冰是皆陰盛之象恒寒之罰也夫陽為君為德為內  
為君子為中華陰為臣為刑為外為小人為夷狄考  
之桓公八年元符元年建昭二年陽朔四年赤烏四

見素集卷之一

奏議

十七

平

年大同十年武定四年河清二年武平三年皆大雪  
成公十六年黃初六年大元十四年武平七年皆木  
冰說者謂臣用柄刑失中外戚驕恣小人禍君子夷  
狄窺中華之應方今  
聖明之世夫豈有此而  
上天再戒尤臣之所未喻也

陛下憲

天法

祖約已惠人太和董蒸嘉瑞宜集而災變顧爾容或有由

伏望



陛下默而思之博而考之熟而計之采諸臺閣科道及閩  
閩草野之言以深究夫致災之原弭災之實果在臣  
身則放歸田里以謝

天譴在府第則思以節在臣則思以馭在刑則思以省在  
外戚則思以保全在小人則思以放遠在夷狄則思  
以遙制拔本塞源防微杜漸以制治于未亂保邦于  
未危則

乾剛自奮陽道自長災異將化爲禎祥而

天心仁愛庸於斯乎在矣惟

留神省覽

見素集卷之二

奏議

十八

版罕

社稷幸甚天下幸甚臣無任瞻仰感激俟罪之至

養病疏

奏爲乞

恩放回養病事准本司按察使林俊關照得本職見年四  
十五歲福建興化府莆田縣人由進士歷任刑部主  
事署員外郎事主事姚州判官南京刑部署員外郎  
事主事員外郎雲南按察司副使按察使更任前職  
綿力孱軀由少多病加以叢委簿書血氣虛憊中年  
後白齒踈眼昏耳重左手足不便爲縮伸迺者朝

覲南還隨在就醫四月終始力疾視事倥偬健忘舉止

艱滯每閱刑書操判筆輒就座寤睡病勢日增藥力罔效自惟愚戇偶竊虛名遂爲餘論誤收崇階存際夙夜兢惕恒期寡過以仰荅

眷遇萬分詎謂疾疢轉罹

皇恩莫報興言及此愧汗交并合關煩爲

奏乞放回致仕或閑住養痾林泉退避賢路天幸少延餘息謹守素力田行歌擊壤祝

聖人壽而艾而昌等因到司隨令醫生馬敬胗驗疾已深痼急難醫療具結在卷緣係乞

恩放回養病事理未敢擅便謹具

見素集卷之一

奏議

十九

奏

聞奉

聖旨吏部知道欽此本上即託就醫而還鎮巡固留不可吏部移文追復原任又不可撫按會題本官端謹正大弘治九年九月二十日奉

聖旨林俊准暫回原籍養病不爲例欽此

辭免就任疏弘治己未二月

奏爲乞

恩辭免就任事臣福建興化府莆田縣人欽蒙

聖恩陞臣廣東等處承宣布政使司右布政使者仰荷

鴻慈伏深感涕竊念臣猷畝朴忠入深到骨而霜露猶未  
未盡脫身又無學術行能本無足取豈敢罔循涯分  
濫冒

寵榮况臣父見年七十臣母見年七十有二葉榆之景日  
見衰頹臣之私心亦甚難捨伏望

皇上俯察愚衷容臣照舊在家調治奉養二親可遂賢能  
用副任使臣林下閒日歌康衢祝華封與父老道宣

聖明德政盡報荅萬分不勝至願等因奉

聖旨吏部知道欽此本部叅稱情詞懇切合無仍舊在家

養病痊可之日另行具奏起用奉

凡素集卷之一

奏議

二十

府

聖旨是欽此

內臺稿

謝恩疏

欽差提督巡江無管操江南京都察院右僉都御史臣林

俊謹

奏為謝

恩事臣前歷湖廣按察使廣東右布政使卧病居家伏蒙

聖恩授臣南京都察院右僉都御史節該欽奉

勅無管操江者竊念臣才謏力絀迹孤性蹇自惟違分謝

謹養病不謂丘樊荐承

需渥負山知重涉海增憂

帝命俯臨敢直滄州之便親年踰邁終深烏鳥之私進止  
徊惶罔知決擇除扶疾上道於弘治十三年十二月初四日望闕拜叩到任管事外緣係謝

恩事理謹具奏

聞

侍養疏

奏為乞

恩侍養事

臣在

憲宗朝以刑部屬謫倅姚州尋蒙叙復

見素集卷之一

奏議

三

世

陛下嗣位以來累被收用自惟猥祿荷

二聖曲成深恩盡以至矣勉圖鞭策誓報消塵臣之心亦

臣之分况邊陲方警如此耶第念臣父母俱年踰七

旬氣衰多病日短深憂諸第又以祖居少容分移近

住朝暮叵測急仗實難且臣疾疢中惟神力早憊稍

留吏事重覺不支發生濫竊於

宸恩淺薄罔裨於人世憂先涕集感與愧并伏望

聖慈俯垂憐宥放回侍親無理自疾則臣父母臣身皆

延一日均

陛下之賜臣尚當率先父老蹈舞

大猷彌聖愛

國之忠仰聽平胡之頌無任感激勤卷之至

再乞侍養疏

奏爲懇乞侍養事臣近日疏乞侍親無理自疾事下吏部例格不行臣靜思之是固未察臣親之誠老身之誠病才若力誠篤下不足勝重而遠至也夫知父母莫如子衰與否臣有不知者乎人壽命未能盡百歲今皆踰七之年來日恐亦有限不於此時伸微分必貽終身厚悔臣稟受孱弱調養無節無月不病亦無月不瘳其前年瘡幾死去年患目幾盲今年齒疼痛面無故風腫右脚痿疾時發神昏健忘事一過卽不曉記臣任直寡儔素乏充養無包荒之量燭伏之幾春容粹雅之節厓角顯露徒成粗迹報國素心擔輕於九死而還家私念顧切於三宜敢冒虛風真成棄物伏望

聖慈曲垂憫在

行賜溫旨放臣致仕養二親理自疾循宜處之分仰戴

恩德山不足高海不足深天地不足擬其形容而臣未死

微衷尤望

陛下勤法堯舜動遵

見素集卷之一

奏議

三

三

祖宗運初心宣古意使庶耻重而始風流恭儉興而未俗  
革臣躍舞林屋有餘榮矣無任感激俟

命之至

災異陳言疏

奏爲災異陳言事

臣

聞雲南等處地震山崩災變異常

今年正月初一日陝西延安朝邑等二十餘處同時

地震搖倒官民房屋五十餘間壓死人民頭畜甚衆

地裂水涌災變尤異夫正當西北有事之際人心危

疑災變屢作臣竊憂焉夫地震異也水涌尤異也同

日異也元日尤異也朝邑特甚則尤異也變不虛生

見素集卷之一

奏議

十三

一調

必有其應况至異如此者哉臣謂決非泛泛循省可

以消此大變者也考之前古地震水涌皆未有如是

之異亦未有元日者若狀類相近漢和帝末元二年

則宮闈之應安帝建康元年則內侍之應晉元帝大

興元年則柄臣之應今宜皆無是也惟兵禍之應尤

武時則武谿蠻反成帝時則蘇峻亂仁宗時則元昊

不庭方今北虜陸梁又聚河套兵禍之結已兆於斯

萬一制勝無常可憂非細而草澤之間又保必無相

煽而起者乎臣觀近時用費日奢科差日重人民口

貧頗無固志如荊州瑞州九江等處烏合強徒輕竊

名號敵殺官兵况內地人民之苦有加數倍者乎則不但北虜可憂遠壤內地均可憂也漢宣帝本始年間地震詔問經學賢良方正之士無敢端言其所以然宋儒胡氏謂地妻道也臣道也著見如此若有敢言使宣帝戒懼有以善處則霍家之禍無由成矣夫宣帝賢君也霍光有輔遺之功有房闈之親小心恭慎賢臣也謂帝而不念光家謂光之家容有禍耶事不可料政亦類此則所謂

宮闈內侍柄臣者臣望

陛下靜思而善處之未有謹而太過者也他如齋醮之設

見素集卷之一

奏議

孟

卷四

藥

天贖神不惟無福實足召災南京蘇州織造花樣太巧丈尺太長松江大紅布太倉洗白布太細古人謂之服妖費財勞人災或由此至於占役當清冗食當汰工作當止供應當省賞賜當節儉德當謹逸欲當戒佞幸當遠賢立君子當親皆

陛下所宜留情盡已以脩人事回

天變者也臣又聞華封人祝聖人曰多男子詩歌文王之德因及后妃之美曰則百斯男今中外人心日頽

陛下振振子孫昌有支庶而難於言臣亦展轉久之既謂

臣歸之後雖有忠謀無由自進臣終負

陛下負

祖宗負中外之望謹昧死僭言伏望

密訪臺閣獨斷

宸衷如元氣運行妙於無迹則

宗社幸甚臣不勝戰慄俛罪之至謹具奏

聞

錄正人以端國本疏

奏為錄正人以端國本事臣竊見

皇太子殿下聰明仁孝德器夙成我

見素集卷之一

奏議

五

危四

祖宗聖聖相承立國仁厚

天錫胤祚固其所也昔殷武丁為太子父小乙使居民間

與小民出入同事殷祖甲漢宣帝亦居民間其他或

涉艱虞拂意之境故能側身脩行周悉民情裕後光

前為守成令主蓋處境太順驕惰易生未必為福今

農畝細民家無十金猶慎教子以守先業况太子國

之基本天地祖宗華夷之所付託者耶周文王為世

子朝於王季日三武王帥而行之周公抗世子法於

伯禽成王有過則撻伯禽示成王世子之道也古者

世子自為赤子固已教矣太傅在前少傅在後入有



保出有師皆選端人與同起居出入使日見正事聞  
正言行正道左右前後皆正人也春誦夏絃秋習冬  
讀入東學上親而貴仁入南學上齒而貴信入西學  
上賢而貴德入北學上貴而尊爵則親疎有序長幼  
有差聖知在位貴賤有等入大學承師問道退習而  
考於太傅太傅罰其不則而匡其不及則德知長而  
治道得矣身為儲君與國人齒讓執醬以餽明有孝  
也步行中樂明有度也遠烹宰明有仁也

皇太子年踰幼學趨向大幾正決於此而多處

宮中少就外傳古人之教恐未宜然夫教所以愛之擇

見素集卷之一

奏議

三

卷

正人所以教之也正人古意存焉耳得古意則可行  
古道成古渾樸之俗今

東宮講讀侍從諸臣皆

陛下所登簡廷臣所論薦必多正人有古意可委重然百  
司庶府山林隱逸不可謂無其人臣所略知則禮部  
右侍郎謝鐸太僕少卿儲瓘南京光祿少卿楊廉其  
庶矣乎其資序不合實行可取有二人焉致仕按察

副使曹時中渾厚澄瑩粹然春風人無賢不肖皆服  
其為人華亭人也華亭張悅清慎人謂時中過之張

弼善草書人謂又過之今年七十一歲尚作蠅頭細

字其精爽可推也處士劉閔恭慎醇粹孝行高古日無二粥身無完布而處之裕如臣莆田人臣每見媿畏不暇劉大夏徐貫等每拜其門知府王弼齋所必迎致曰對劉君鄙吝自去詞藻雖不逮其爲人而德宇道風人自難及臣謂禮致時中爲宮臣閔仍布衣入侍更

勅內閣吏部翰林院科道精訪純德雅望之人使同起居必能涵煦薰陶有所裨益異日成就當大可觀且天下後世仰知

大聖人所爲出尋常萬萬此臣所以獨出意見不自爲迂者也臣又惟

見素集卷之一

奏議

七

危四

聖躬立教之本夫不邇聲色不事遊畋勤問學納諫諍親君子退小人畏

天威重民命誠孚

九廟孝徹

兩宮身教至矣然古先帝王暨我

祖宗鷄鳴視朝與群臣終日接見詢民情講治道在深宮極少不黷神不佞佛不作無益飲食服用至朴而無華誅罰爵賞至公而無私故無類德無疵政無佞臣無遊食無遺賢用節而國富化洽而俗阜成此

陛下所夙勉以作式

東宮者也。臣愚且病二親衰老日望還山常思古人江湖廊廟有餘心焉不揆煩瀆少盡忠益區區未已之心尤望

陛下留念嗣息未多及以西北邊事爲意其大小臣工有以率直積忤而才猶可用物論猶歸如周經許進楊茂元輩人乞

亟收錄蓋棄之於彼無損用之祇益

聖德耳是亦教

皇太子弘雅量容直言一端也。臣無任勤懇戰慄之至謹

見素集卷之二

奏議

二十八

危四

具奏

聞

薦賢自代疏

奏爲薦賢自代懇乞休致事。臣拙劣蠢庸過蒙

收叙力綿任重能謏位踰常思喋血塞垣陳尸闕市報天地大德萬分而意長分短疾病交攻抱尸素之深慙憂死亡之無日仰惟人君用人隨才器使而人才效用

亦顧所自處何如耳可禪人國則竭忠效勤終于位可也其未然則委分明志引而歸亦可也故仕盡致遠之材而歸亦不失知止之義臺閣丘樊各止其所

而德讓之風成矣方今

聖人在位君子滿

朝俶如臣流奚足比數爰自視臬已乞卧家固非要前

譽冀後收臣言

命勉起良事

君之小心引疾決歸臣言之大分若猶顧盼徘徊竊恐

孤

恩玷節士夫失氣事臣言臣雖索莫飢頽諒不忍心如

此也伏見臣言蔡司副使陳壯浙江按察司按察

使朱欽乃臣言副使曹時中謹潔懿醇亮

見素集卷之一

議

二十九

張

直高古風猷臣言道守夙弘臣誠遠立下風非徒追

步後塵舉以臣言詞義又當如蒙乞

敕吏部叅詳議奏

簡命一負代臣前職

賜臣致仕歸還田里則

陛下之德上同于

天而臣以人事

君之責亦少副美林莽餘息當日歌天保祝

聖人壽無疆此臣拳拳無已之情愫也無任激切俟

命之至奉

聖旨吏部知道節該本部題稱本官才行俱優衆望所歸方當嚮用之時而屢陳休致恬退之志固爲可嘉但起用未久等因弘治十五年四月初九日少傅兼太子太傅本部尚書馬 等具題奉

聖旨林俊不准休致欽此

災異疏 弘治十五年七月

題爲災異事據南京新江口操江把總指揮張彪等呈弘治十五年七月初三日暴風猛雨江潮湧漲將在港灣泊戰巡舡隻吹擺顛頓矛移纜斷致將軍人劉牛兒淹死看浮橋官常昱飄流撈獲其餘自救不違

見素集卷之二

奏議

三十一

聖

原額戰巡等舡三百四十隻內除一百四十隻沉溺浮水原不堪用四十八隻南京龍江提舉司聽造俱不開外堪用操演數內八十六隻磕損一十一隻吹

打過江纜方尋獲篷板什物多半損失僅存五十隻什物亦多不全見今水操在邇不勾撐駕弁教場將

臺一座崩損神鎗牌垛二座演武等官廳廂房共三十一間插鎗房官軍窩鋪共一百七十五間內外墻

垣三百六十七丈四尺俱各倒塌廚竈門隔屋瓦亦多損傷大小樹木三百六十八株倒折等因到臣又

據南京西城兵馬指揮司呈開前項月日被狂風將

新江口近年官栽柳樹吹倒九百餘株緣由前來案  
照前事已經節查去後今呈前因除會議各題外查  
得近該禮部題備天下災異緣由咨行臣等照奉

欽依內事理欽遵脩省臣伏見弘治十四年南北慘寒殊  
異南京本年十二月二十八日雨雪交下雷電中震  
弘治十五年夏雷聲迅猛二次很擊不下五六十聲  
轟天喊地鷄犬鳴號人馬顛仆間有震死者五月二  
十九日半夜雷電大作疾雨翻江垂及黎明平地水  
深數尺墻垣淋倒幾半至六月初十日始消七月初  
三日怒風恠雨變勢尤異房屋搖撼瓦石爲飛或云  
風力正暴地亦同震彼時魂奪魄散真的莫辯然房  
屋牆垣誠多斃倒舟船人畜誠多覆沒江潮誠沸溢  
樹株誠根拔稻苗蔬果誠損傷人心誠憂惶災之所  
被上太平下鎮江可駭可愕而南京尤甚若有爲而  
然者損壞房屋不計其數樹株根拔奚止數萬而

### 壇廟

陵寢傳聞亦有數十餘株臣目激心計此地何地此日  
何日此災變何災變

### 天心仁愛

祖命諄複意者屋之震其疆宇之鎮定外攘之先告歟不

之拔其根本之滋培內脩之默啓歟是非臣所能臆說也臣病廢餘息一日官使義當自實新江口控扼江淮重地而水軍實我

太祖高皇帝開基制勝之師軍聲遙震

國勢深關柰書操夜守特甚艱難而計脫倖更多存羸弱貳粥尚窘於支持五兵難責其鮮利且水操江平方及出港風靜方敢開船一歲率無幾日交鋒不越數銃身命浮寄何水勢之習閒武藝生疎何兵威之猛烈况今船隻房屋損壞數多操守乏備道路寒心如蒙乞

見素集卷之一

奏議

三

劉三

敕南京工部將前項船隻房屋一面勘奏一面造脩仍將揀選送補改差撥跟在逃等項官軍專責南京兵部科道驗差官清理毋容衛所紛更每班仍輪流一員親詣點閘一次務使弊革令行兵精額足每季具點過見操送補改差跟隨在逃數目題

知及轉行守備弁臣等查照庶事有專責緩急有仗緣係風雨損壞戰巡船隻官軍房屋及處置操軍災異事

理謹題請

旨

懇乞休致疏

奏爲陳情懇乞休致事臣素薄行能重罹衰疾累乞休致荷蒙

聖恩未即

賜允者退自省循益深愧恐誠前驅之可冀安後策以何辭捫心循牆由暮達旦陳瀆則近激隱忍則重欺然臣事君猶子事父情不自盡仰懇而哀鳴無但已也

今日明時也

陛下聖主也僉都御史又雄職也逢

時遇

見素集卷之一

奏議

三

危四〇

主而領雄職必賢則榮不賢則重以爲辱臣固有以自知矣臣外貌雖未甚羸一身無處非病耳目欠清齒牙常痛腸胃燥結手足麻木其最苦則精神昏憤臨事健忘元氣又虛寒邪易入藥不離口病益切身是以心雖欲前力已罔逮况臣性局誠下

恩遇已踰充位赧顏豈終逃於厚議陳詞委分容少激於頽風此臣所以展轉深籌必欲以去爲報者也伏望

聖恩哀 臣勤悃

特敕吏部放臣致仕以畢殘年安恒分不勝至願緣係陳

情自實懇乞休致事理謹具奏



開弘治十五年九月十四日奏十一月初一日該本部題

奉

聖旨是林俊不准休致着上緊前去巡視地方欽此

申乞休致疏 弘治十五年九月二十四日進

奏為陳情申乞休致事 臣是月十四日自陳無狀懇乞

退休實封登途悸不自定忍負

生成之素自安跣弛之歸 臣五心勞熱臟腑秘結血氣枯

浮內感每作於虛煩末疾特艱於行步參觀弱證懼

迫盡期所以夙夜憂惶力求丘首不自知詞激可憎

者也 臣官無劇務祿足逮親人論間容

見素集卷之一

奏議

三

危四〇

國章稽逮有服在位亦胡不可緣 臣才故如彼病今如

此歸既有詞出竟亡補 臣之道進不如退我

陛下曲成 臣之恩與 臣進不若與 臣退 臣所以披瀝胃腸

冒干

宸聽必求得請不自知詞瀆當罪者也 臣蒲柳脆質首怯

風霜而葵藿素誠特加猷畝惟望

隆嗣述廣延接以上縉

祖宗垂不可易家法以消弊始則非特歸日之心亦既死

之願伏望

俯納莛言覽 臣前後二疏

特敕吏部放臣致仕以養痾殘日埋骨故山不勝感幸謹具奏

聞

西巡稿

勘都御史韓邦問疏

欽差巡視江西等處地方南京都察院右僉都御史臣林俊謹題爲脩政本以弭大盜事節該欽奉

勅江西賊情重大茲特命爾前去巡視彼處地方爾至彼廣詢博訪深究事情先將都御史韓邦問有無誤事不

職情由從實奏來欽此欽遵臣訪得巡撫江西都察院

見素集卷之一

奏議

三五

右副都御史韓邦問性度寬洪儀宇閑肅官能粗効政體具諸事偶缺於關防初曾生謗慮難周於假托久亦自明雖瑞撫諸賊重欠祛除而南贛數年却多停爰祗因立心多畏行事尚同風望少類臺綱未振在俶擾之地似或未宜若清簡之方誠猶可用臣又惟今日江西之事急若潰瀾而巡撫之官艱於拯溺非得震撼不圓通敏無滯者鮮克有濟伏乞

聖明俯垂裁處緣係地方事情及韓邦問係節該奉

欽依從實奏來事理謹題請

旨弘治十六年二月初四日少傅兼太子太傅吏部尚書

馬 等題奉

聖旨是韓邦問待有相應地方調用林俊改都察院右僉都御史着巡撫江西地方換敕與他欽此

勘知府王瑋李復貞疏

題爲脩政本以弭大盜事節該欽奉

敕江西賊情重大茲特命爾前去巡視彼處地方爾至彼廣詢博訪深究事情先將都御史韓邦問有無誤事不職情由及知府李復貞王瑋有無貪酷害民實跡從實奏來欽此欽遵除韓邦問另本具題外臣訪得江西所屬饒州府知府李復貞性局寬縱廣信府知府王瑋

見素集卷之二

奏議

三

黃八

性局慈祥俱不爲酷但李復貞溺愛少子恣其出入自由外多浮議偏信吏人任其縱橫無忌下曾歸怨綱維欠整節目亦疎其審編均徭派徵物料罰脩公廨等項頗有分頭侵尅之疑雖人言難信賊跡未明然委少廉白之聲自昧公平之體王瑋防範不嚴被盜官庫彌縫自免重失人心公罰假脩蓋之便多費奉承民訟持可否之端每懷猶豫自涉嫌跡委斂怨言所據各官似難重膺郡寄再履仕途中間人品等差則王瑋尚有休致之告亦有保留之詞衆心之情僞難知一身之進退可錄臣又訪原任臨江府今調

廣東肇慶府知府吳叙行事刻深律身解弛繆張威  
王福之勢虐焰薰人詭立德政之碑怨聲載路人命每  
興於訟牒姓名重列於彈文衆怒群咻至今未息采  
諸公論吳叙欠謹之名尚居二人之右伏乞  
聖明裁處緣吳叙係更調官李復貞王瑋係節該奉

欽依從實奏來事理謹題請

旨

定祿米疏

題爲定祿米以蘇民困事據江西布政司呈奉巡視衙  
門批老人徐本潤等呈照得坐派江西各

見素集卷之一

奏議

三

一調

○

親王祿米每石納該銀壹兩陸錢

郡王府祿米每石納該銀壹兩叁錢思得本處米價每

石止該銀肆錢伍分實難辦納近例

親王祿米守巡官督同長史兩平收受

郡王祿米有司倉收受本便反難情願

親王祿米折銀壹兩

郡王將軍祿米折銀捌錢布政司交納轉解等因奉批

布政司議處查得江西各

王府祿米先該巡撫題定則例每年有收徵銀壹兩薄  
收徵銀壹兩貳錢又該戶部題據耆老王清奏稱

陽曲等府祿米每石要銀叁兩題行各處俱收本色  
親王原有官攢者布按三司親督長史官攢兩平收受  
郡王祿米無官攢者照舊於所在有司倉另覈收受又  
該戶部題該巡按河南監察御史題稱

伊王奏討

光陽王祿米於本府倉收管索財害人該部題行仍舊  
河南府倉收貯及申明通行禁約又問刑條例  
王府祿米本府官員內使旗校管莊人等干預撥置折  
收銀兩多收米麥索要財物者旗校人等杖罪以上  
發邊遠充軍官員內使監候奏

見素集卷之一

奏議

三六

一朔

請發落輔導官及布按二司守巡官縱容不舉并府州縣  
聽從俱叅問奏

請降調俱經題

准通行欽遵外續該監察御史周進隆題稱江西各

王府收受祿米每石用銀壹兩陸柒錢小民困苦要行

禁治該部查叅節次題

准事例立法非不周詳垂戒非不明切但

王府地方司府等官既畏懼而不能阻違巡撫巡按亦  
推避而不肯究治官校肆其侵害無所懲戒小民受  
其困虐無所控愬又經申明前例題行嚴加禁約及

行巡撫巡按體念民苦用心訪察叅拏間發務臻實  
効等因題

准備行欽遵未久今奉前因議得

王府祿米已有前項節次題行事例濶為嚴切但納米  
本輕民稱不便納銀加重民稱願納必有牽滯難納  
之處又查

郡王將軍祿米每石見今折銀壹兩委屬過重呈乞定

處等因到臣案照前事已行議處去後今呈前因叅  
看得各該祿米見例應收本色據呈却稱每石收銀  
壹兩陸錢或壹兩叁錢見米時價止銀肆錢伍分據

見素集卷之二

奏議

三

卷四

呈却稱每石願納銀壹兩及捌錢以壹兩陸錢而論  
正米壹石該用米叁石伍斗五升五合五勺有零是  
親王祿米歲額壹萬石歲支叁萬伍千伍百伍拾石有  
零以壹兩叁錢而論正米壹石該用米貳石捌斗捌  
升捌合捌勺有零是

郡王將軍祿米歲額壹千石歲支貳千捌百捌拾捌石  
捌斗有零誠為太過民何以堪恐事例雖行奸弊未  
革其江西各

郡王將軍性量臣不能知

雜  
三府

殿下委各寬大賢明豈不上體

聖懷下恤人隱但王府位嚴地禁難伸控訴之內官校器  
忌迹嫌難施彈擊之力以故小民欲逃刑而免累甘  
就重而捨輕度以事情豈真得已其欲由布政司轉  
解正欲杜索害之源臣又聞

親王用費重大委與

郡王將軍不同伏望

聖明篤念親情俯隨民意特

敕府部從長計議將

雜三府祿米并

見素集卷之一

奏議

早

危四

郡王將軍祿米酌量等第定銀上取

聖裁著爲常則備行江西布政司近年徵收足色銀兩寄  
庫或每季或每月長史司給印信領狀差官前來領  
進各府官攢量爲選撥別用名缺暫且停補廢事無掣  
肘民得簡便若必拘本色恐似虛文再令送收恐仍  
前弊緣係定祿米以蘇民困事理未敢擅便謹題請

旨

處置缺少糧料疏

弘治十五年十二月十六日

題爲處置缺少糧料事據江西布政司呈照得本司所  
屬每年額糧共米二百七十三萬一千六十五石有

零除起運兌軍南淮倉拆銀拆布等項共米二百二十五萬四千石外存留數少歲收比與歲及祿俸月糧之數尚欠米一萬七千九百餘石而奉例減免九萬五千四百石及口糧等項支用尚不在內以致官軍俸糧僅勾八個月其餘月分無從接支又本司所屬每年明出里甲銀兩共銀五萬九千七百九十六兩年例派辦黃白蠟牲口皮張等項一應物料并鄉飲祭祀科貢孤老等項一應公使俱各在內扣支各項物料天順六等年派該銀二萬五六千兩成化十七等年派該三萬七八千兩弘治十二年派該六萬七千兩弘治十四年派該九萬二千餘兩歲出比與歲用尚欠三萬二千二百餘兩近年拖欠并鄉飲祭祀等項支使尚不在內那東補西借甲填乙事窮計促莫可支持近又戶部奏差郎中前來守催近年拖欠拆銀共四十三萬三百六十二兩四錢有零小民賣男鬻女不勝痛切今本司庫收貯僅該七萬七千三百八十六兩有零而

益府又要脩蓋非神運而鬼輸勢須加賦已民窮而盜起言可寒心况養兵弭盜之時尤省斂惠民之日前項缺少糧料本司無從區處合呈定奪等因備呈到



臣看得江西數年爲因賦役重繁致民爲盜殺人放  
火流劫鄉村挺刃操戈拒敵兵快告捕更遭其荼毒  
剪除復肆其陸梁以故被害鄉民含忍不告所屬官  
司畏罪不言履霜豈漸蹈虎可憂夫息盜在安民安  
民在輕賦而月支欠米歲辦欠財委無區畫矧欲起  
愚民感動之幾尤當昭

聖明寬恤之典查得歲運淮安米一十七萬石每石正耗  
雜用共該米一石七斗南京倉米四十七萬石每石  
正耗雜用共該米一石九斗遭風剝淺搬運實難先  
該弘治七年弘治十一年俱因地方災傷奏行戶部

見素集卷之一

奏議

聖

三〇

參稱南京米每石本色止值四五錢脚耗使用却倍  
節經題

准每石折銀四錢解南京戶部收拆官軍月糧又弘治十  
年該漕運等衙門題

准弘治十一年江西兌軍米四萬石淮安米六萬石每石  
連正耗雜用拆收銀陸錢免運太倉官民稱便今江  
西饑窘比之各年相同而盜賊猖獗倉庫空虛糧料  
缺乏比之各年尤甚委無別法利在通融但四錢恐  
至虧軍彼此須求兩便伏望

聖明憐念地方

特敕戶部從長計議暫將弘治十六年十七年十八年三年南淮糧米每石正耗雜用共徵銀六錢在安照數解太倉南京倉每石作四錢七分解南京戶部各收折官軍月糧扣出餘銀一錢三分存留布政司作數每銀四錢准米一石補支本處官軍俸糧并奏辦各年各項物料再有不敷另行議處南淮糧米三年之後照舊派運本色則徵收省於常時而民輕便折支過於本色而軍樂從運軍免漕輓之勞糧長無解納之費俸糧有應月之備物料無積歲之逋蓄積不殊公私如故賦雖不加用可暫給其經久之計尤望

見素集卷之一

奏議

聖三

劉三

陛下軫念邦本節縮財源一應派辦務守

祖宗舊額凡百用費務循

祖宗故事則財賦自無不足若根本弗究省此加彼均爲  
夫人過取倍徵尤非得策民窮財盡患將有不可言  
者夫緣係地方事情及處置缺少糧料事理謹題請

旨

地方災異疏

題爲災異陳言以裨政治事據江西按察司呈准本司

按察使周南關准總司關抄奉鎮巡等衙門會案前  
事移關會同都指揮僉事戴賢左布政使林泮議得

瑞州府地方近年以來盜賊蠱起隨捕隨發合無按察司每年選委僉事一員分巡南昌道經帶家小前去專在該府分司居住兼理兵備督捕盜賊請

敕一道不註職名以便更替合用隄備官軍於南昌前左并袁州三衛所千百戶內選委二員帶領旗軍一百名給與行糧機快於上新高昌二縣分撥二百名與同官軍及高安縣機快常川操練遇有盜賊生發合力擒捕一年滿日將行過事蹟獲過盜賊起數造冊繳報與前項官軍俱照例更替其湖廣長沙府瀏陽縣醴陵縣與新昌接壤盜賊事發往往逃彼潛住因

見素集卷之一

奏議

四品

九

無統屬難以責成合無前項府縣賊情一事聽南昌道分巡官節制調度其餘事情悉照舊規庶便行事等因具呈到臣隨吊原文卷查得先該兵部題該監察御史周進隆奏內一件專巡守以安地方事欲照福建汀州建寧事體於僉事內專設一員住居瑞州緊要去處分巡兵備而分守官員一般挈家小與分巡分住新昌靖安等縣專理盜賊錢糧等項一年滿日更替等因該部查題咨行鎮巡等官會行議處緣由在卷臣親到該府看得所屬高安上新昌等縣南接湖廣長沙府瀏陽醴陵二縣北連南昌府奉

新靖安二縣溪深山峻俗惡民頑強盜委多以故監  
察御史周進隆所奏各官所議將南昌道分巡官請  
敕一道不註職名輪流齎捧帶同家小前去瑞州府居住  
時常上高新昌等縣巡歷整理兵備督捕盜賊其湖  
廣長沙府瀏陽醴陵二縣賊情一事許其督理若有  
故違聽其提問委屬停當其布政司分守官負數少  
常無別道難以分住亦合量其一年之內半年在上  
高新昌奉新等處往來行事則豪惡知警錢糧易完  
而奸盜自息但欲量撥南昌前左弁袁州三衛千百  
戶二員軍旗一百名給與行糧輪班跟隨操練一節

見素集卷之一

奏議

聖

聖

臣博詢該道該府各縣官員并父老人等俱稱官軍  
數少遇急既難濟事平時徒增騷擾虛費行糧深為  
無益查得該府三縣原定機兵共一千六十名俱該  
通判甘文紹督領輪流操習巡捕及隣境袁州府萬  
載縣臨江府清江縣南昌府奉新靖安武寧豐城新  
建等縣俱有機兵并瑞州所屬各鄉村原該編有大  
戶鄉民壯丁佃戶家人等項名數存官平時團聚本  
村防護有警隨同官兵策應自可制賊保無他虞所  
據官軍似不須撥伏乞

聖明裁處緣係處置地方及災異陳言以裨政治事理謹

題請

褒異舊臣疏

題爲乞

恩褒異舊臣事江西建昌府申據廣昌縣報弘治十五年十二月二十二日本縣致仕刑部尚書何喬新病故看得本官敷歷中外完節始終致仕十有餘年足跡不入城府聲色貨利素不嬰心著書立言老尤造妙誠爲中朝著望名世碩臣緣本官與刑部尚書彭韶吏部侍郎葉盛人望相同合申乞照彭韶贈太子少

見素集卷之一

奏議

吳

罕

保葉盛謚文莊事例奏請

贈謚及賜葬祭以快人心等因到臣行間又據江西布

政司呈同前事查得何喬新妻夫人吳氏先於本年

二月病故已經奏差進士林魁督造墳塋本官丁憂

回家守制行委該府同知沈景督造外臣聞何喬新

與彭韶先爲刑部屬官並負盛名積官俱至刑部尚

書彭韶忠亮懿醇何喬新貞方恭慎又各儒術精究

吏事孰諳得古人之深以同任天下之重當時言完

德純名文學政事節槩皆屬心焉及位序已極請老

歸榮識者猶以不盡用爲歎疏起者再四彭韶沒有

贈有謚仰悉我

聖天子優異名德盛心然彭韶學有經緯道適中和危言峻行蕪間貞風文有也正有也忠與節與恪與清與憲則又有也其視葉盛學行同而事功過之葉盛得謚文彭韶宜無所靳况追贈都察院右副都御史吳訥謚文恪南京吏部尚書魏驥謚文靖彭韶寔足並美嗣休又宋臣歐陽脩謚文忠范仲淹謚文正論者謂彭韶正色立

朝先憂爲

國主今之世無愧古人歿而易名宜亦近之不知定議

見素集卷之二

奏議

罷

罕

之時何取惠安之義舍大錄細不類其人不足服中外之心爲後世史書之信今何喬新之死該府無舉彭韶官階葉盛文莊事例爲言似亦有未慊于彭韶之謚而欲求畀何喬新以文者或疑彭韶何喬新非出翰禁不得謚文不知謚以責名實公是非

聖君賢相所以右人文昭信史而風勸士夫者端亦藉是况吳訥魏驥葉盛近事甚明而李時勉先謚文毅曹鼐謚文襄文安後各改謚文忠著例歷歷可舉者哉此臣所以不揆狂昧特爲申

請伏望

陛下褒崇舊德特隆何喬新贈祭開擴之典仍

敕翰林院叅詳臣奏揆以公義將彭韶再議與何喬新果

合文正忠獻貞宣恭肅憲恪謚法具議上請

聖裁易去彭韶惠安舊謚庶名實允符臣工胥勸緣係褒  
異舊臣及改謚事理謹題請

旨

見素集卷之一

見素集卷之一

奏議

哭

〇

後學黃佐 校正

族子 富 編集

後學柯維騏重校

孫男 及祖重梓

奏議

西巡稿

撫處王武等疏

題為脩政本以弭大盜事節該欽奉

勅江西賊情重大茲特命爾前去巡視彼處地方爾至彼

見素集卷之二

奏議

一

楊順之

廣詢傳訪深究事情嚴督所司設法撫捕務令盡絕凡  
有興利除害弭盜安民良法悉聽爾便宜處置欽此欽

遵行據江西布政司呈准分守南昌道右叅政王綸

咨抄蒙巡視案驗即將王武等親自省諭本分屬業

毋再懷疑執拘搆黨召禍弟姪手下嚴加禁約不許

指以捕盜妄拏平人報復讐怨誣虜財物姦騙婦女

燒燬房屋非對賊陣務在生擒不許斬首且王武等

名不在官性猶近野群居互長則禍疊易生私食盡

公則人情難久陽訶陰護默奪潛消必有可乘之機

善處之術會議通呈等因會同南昌道分巡僉事王



純親自省諭王武等本分耕種不許多集無賴生事  
擾人招尤啓釁外議得王武已故房兄王再瑛始雖  
爲盜尋亦革心自首助官擒拏首惡致被逋誅餘黨  
讐殺七命後王武率先兵便効順竭勞前後斬獲一  
百四十餘人今又聽撫求哀宜加善處合行瑞州府  
知府周津通判甘文紹將王武弟姪手下一名名研  
審真的年貌籍貫異省者資給衣糧查發附近者省  
令農業生理但王武任居與吳城相近孤懸賊壘肆  
衝賊路而吳城又當高安上高新昌奉新交界之處  
合無吳城築立官堡高安輪撥機兵一百名同上高

新昌各縣捕盜主簿輪差一員任彼提督各給行糧  
常川操守一季一換王武地方再立民哨止許招募  
五十人王武爲哨甲弟姪王昌王宏并手下姚惟高  
五人爲哨手每手管九人一人爲非九人同哨甲覺  
舉違者連坐俱聽官堡鉗束無事幹家有警聽調朔  
日赴該府望日赴該縣呈遞結聽候發放其工雇  
之資每年哨甲六兩哨手四兩哨丁三兩將已決并  
監故賊首鄧遲八李昌三周申三等舊遺田產查勘  
明白近者撥種遠者兌換名爲哨田止納正糧之外  
不編別差量其歲收以足前數倘有不敷或支官錢

增置或僉均徭津貼仍自高安直抵新昌每二十里  
立一舖舍編僉司兵脩理路道使文移絡繹公私經  
行府縣按月查點上司不時巡歷或寓宿官堡就近  
行事擾習既久性度自馴易荒阻爲通衢董堯梗爲  
善俗聲迹相倚彼無內顧之憂動靜易聞我獲永終  
之吉等因到臣隨據按察司呈同前事案照先據周  
津甘文紹稟稱便手王武王昌并手下二十餘人出  
官聽撫已經宣示恩威嚴加省諭及行道府犒賞議  
處去後今呈前因臣看得王武年始二十一歲兵僅  
數十餘人徒以粗勇爲賊憚怯自知府劉璣撫恤之

厚周津甘文紹羈督之勤重以鎮巡震懾之威該道  
守巡王綸王純繼事同功警服之至節嘗爲官獲賊  
思免罪尤祇陷宿讐浮詞挾訴心懷驚沮迹類桀驁  
急緩兩圖均若可諗功過兼便宜若可爲矧瑞賊乍  
違乍順人無定心亦司府欲撫欲擒官無定信今王  
武等既出就撫待之當誠久若重違取之亦易使謀  
名于籍寄食于官非惟湏其實用抑且杜其他謀議  
爲有見除照奉

欽依便宜處置事理案行各該衙門依擬施行外緣係撫  
處兵便安戢地方并脩政本以弭大盜事理謹具

正事體以別嫌疑疏

奏爲正事體以別嫌疑事臣近蒙

聖恩改都察院右僉都御史巡撫江西者俟

命怖惶俯躬踟躕竊念臣二親老邁百志衰頽供職兩年

乞歸五疏未蒙

俞允又有江西巡視之

差私心揣量此老馬末程也接喘交汗以盡報

顧復深恩尋脫馬羈未爲失計不謂僅踰兩月重荷

差除臣敢不知幸而知報哉但念巡撫都御史韓邦問出

見素集卷之二

奏議

四

危四〇

臣訪奏同

旨批代似涉嫌疑情義未安昔宋臣朱熹劾提刑唐仲友

尋奪其命授熹熹不拜包拯劾三司使宋祁尋解其

職授拯拯不辭爲歐陽脩所彈謂蹊田奪牛豈得無

過整冠納履當避可疑其於朝廷所損不細臣事迹

實類此臣敢不以熹爲法拯爲戒者哉且江西事劇

非他省比邦問才識非臣比邦問巡撫不稱更繁用

臣所謂一蟹不如一蟹者也臣往以更繁代張撫後

効竟不及撫今又代邦問後効豈及邦問臣豈敢竊

虛美邀實累哉伏望

聖明曲垂憐處另擇才賢巡撫江西停臣別叙惟復容臣  
照舊巡視完日歸老庶事體正辭受明無彰迹之嫌  
有肢骸之所不勝至幸緣係正事體以別嫌疑事理  
謹具奏

聞奉

聖旨林俊不准辭著用心巡撫地方吏部知道欽此

災患疏

題爲災患事據江西布政司呈南安府申大庾縣老人  
甘文瑞等呈本縣城市鄉村軍民男婦自弘治十六  
年正月中旬以來多感喉風腫毒急證辰病午死或

見素集卷之二

奏議

五

黃六

即時死或在市買賣入門即死一家三五口者有之  
六七口者有之男女豆疹死者不可勝數家家遍染  
前災上猶縣老人李清秀等呈自弘治十五年十二  
月以來本縣坊廂龍下童子等里耕牛牲畜沾患時  
氣俱已災死今年正月初旬市井村團軍民多感風  
痰咽喉急證朝病暮死全家遍染湯藥無人瘞無虛  
口悽愴驚惶呈乞急救等因備申轉呈前來查得先  
據該府申前事已經行令發粟拯濟官備藥餌多方  
醫治貧無棺木量爲措置去後今呈前因臣看得江  
西司衛府縣庫乏存積銀兩倉少預備稻穀俸糧戔

欠八萬四千餘石物料歲欠三萬二千餘兩瑞州之  
強盜稍息南康之飢民又起左按右遏東出西沒今  
南安災青盛行老稚卒中或一家俱病或數口俱死  
下至牛畜俱各被災是皆及身之切禍非垂象之隱  
然雖令乘時發粟施藥給棺終爲無財所窘況南安  
又與韶州惠州汀州郴州等處相連萬一流賊乘虛  
爲患非細臣技窮當局憂切涉冰除再行守巡兵備  
等官嚴加提備及督屬辦藥措棺處置牛具賑卹脩  
省外緣係災患事理謹具題

知

見素集卷之二

奏議

六

六〇

查報擒獲盜賊爲各官開俸疏

題爲地方賊情事據江西布政司呈准本司分守南昌

道右叅政王綸咨自弘治十五年正月起至弘治十

六年三月十二日止督據南昌道所屬瑞州等府捕

盜通判等官甘文紹等陸續獲過各起強盜并窩主

賊屬共六百四十四名口瑞州府獲過強盜四百八

十三名窩主五名賊屬一口南昌府獲過強盜一百

五十名窩主一名賊屬四口并原帶管湖西道所屬

吉安臨江袁州等府共獲過強盜一百零四名等因

到臣行聞又據江西按察司呈准本司分守南昌道

僉事王純關同前事查爲地方緊急賊情事該鎮巡等衙門會案備奉

勅內事理查各衛所府縣掌印巡捕及三司守巡等官戴罪拏賊賊未盡絕不許支俸又爲脩政本以弭大盜事臣案行守巡等官督屬將未獲賊犯設法挨拏務令盡絕去後今據前因臣看得江西各府盜賊瑞州爲多自奉

勅切責之後鎮巡官牌催案督寢不敢寧守巡官王綸王純守併坐臨勞不敢息知府劉璣周津捕盜通判甘文紹叅籌投算智取力攻及掌縣事通判施堯臣知縣童旭謝樞巡捕主簿劉銘潘崇典史胡冕等亦各畏威供事以致惡魁兇黨次第成擒是皆

見素集卷之二

奏議

七

完四

陛下神威聖武諸司効命之攸致也臣至之時賊已衰謝及今似乎少康雖狐遊鼠出迹難盡除而蟻聚蜂屯勢難遽盛除將各犯先已問結及後獲行審無冤問報未獲仍行緝捕務期盡絕以靖地方外所據各官并賊少地方官員俸粮似合暫容一體關支以作其勤若各賊再縱另行區處緣係暫容支俸及地方賊情事理謹題請

更調官員疏

題爲脩政本以弭大盜事據江西南昌府申本府所屬  
奉新寧縣俗野民頑訟繁事劇奉新縣知縣徐南儼  
弛遜悞寧縣知縣董壽鶩鈍迂徐以致糧料歲逋盜  
賊日縱吉安府申所屬永新縣刁豪旁午強竊陸梁  
知縣羅煥性頗近遲才非任劇南康府申所屬建昌  
縣知縣石琰邑事欠脩民心多玩局才具位養盜殃  
人俱合奏調事簡縣分別選賢能以舉縣政等因到  
臣看得徐南董壽羅煥石琰操存無害施置委疎矧  
丁紛結之期尤宜解紆之急及訪吉安府安福縣知  
縣李如圭廣信府弋陽縣知縣王誥俱各年少性剛  
疾惡太甚跡孤怨結預合保全如蒙

准題乞

勅吏部叅詳臣奏果有可采將徐南董壽羅煥石琰議事  
簡縣分李如圭調建昌王誥調奉新其寧縣未新安  
福弋陽四縣別選閭敏練歷廢剛有威進士銓註奏  
取

聖裁給憑嚴限赴任庶官使得人政平訟理而盜賊自息  
緣係更調官員及脩政本以弭大盜事理謹題請

見素集卷之二

奏議

八

卷四〇

復州治疏

題爲復州治以制強禦事據江西布按二司守巡南昌道右叅政王綸僉事王純呈據南昌府寧縣儒學廩增生員戴邦哲等該縣里老陳淮等各連名具呈本縣上接湖廣瀏陽下連武寧奉新靖安荒僻阻險人豪橫或招納強僕或養交俠客百十爲群歆盟自結辯者構訟謀勇者習拳棒爭雄角勝執杖持兵殖黨聚徒奪牛搶穀倚人命則屋舍爲墟誣賊情則雞犬殆盡奏告連年身不出官糧里終歲足不到縣匿卷案關已者百不一存邀公文提人者十無一到鄉民被其吞食官長遭其謾罵近年以來尤爲尾大不掉滋蔓難圖是固地險之足憑抑亦職輕之易侮緣本縣舊爲寧州

見素集卷之二

奏議

九

進

國初改寧縣乞復州治以制強禦等因備呈到臣案查先據知府祝瀚呈前事臣拘滯成格止將該縣知縣董壽才力不及緣由

題行吏部議調未報今又各呈前因臣公同守巡知府等官親臨訪處縣在萬山之中陸多峻崖水多惡灘舟車艱虞上司不到喜爭好亂誌錄舊風陷吏抗官鄉壤常態委的民極頑梗縣難鉗束臣雖稍裁惡首



未能終絕禍根如蒙乞

初吏部叅詳臣奏將寧縣奏復爲州官改別用另選風力知州等官管理庶職重易臨民乃可制緣係復州治以制強禦事理謹題請

旨

論寧府用瑠璃疏

題爲酌大義以全賢孝事臣日者審

寧殿下累乞瑠璃瓦重荷

聖俞於引錢內支二萬兩給換者臣有以仰窺

陛下聖仁廣大惇叙九族盛心而

見素集卷之二

奏議

十

六二

寧王據禮守經不爲無見然觀鎮巡議奏欲俟年豐定奪是異言不當與也工部覆奏謂規制雖相應事體實可止又恐重累地方作例各府是正言不當與也迨

寧王又奏工部又執奏是申言決不當與也

陛下先可部議是明示不當與後從其半是婉示不欲與也士夫及耆壯公論謂

寧府多此一舉是中外人心皆謂不當與也

寧王讀書明理聰察識事斷不爲此必勝以損賢名偶未之思耳夫事有可爲有不可爲有可已有不可已

江西公私匱竭人民滋困盜賊未息此何時也意者引錢無預於民不知存積僅二萬七千餘兩

益府宮殿蟻壘

益殿下見移東寢萬分驚虞責將誰任脅蓋之費約三萬餘兩此不可已者也

淮府造墳

順昌王

崇安王鎮國將軍起第已支五千三百餘兩後來未計此不可已者也所在儒學文廟傾頽問其故謂科罰例嚴所司顧忌不脩之致此不可已者也各處預備

見素集卷之二

奏議

十一

賜

倉穀數少問其故謂罰贖解部所司計無自出之致此不可已者也官軍俸糧通融節縮歲支尚少四萬崇四千餘石此不可已者也臣嘗見

楚府殿燬久未蓋

荆府多敝漏

淮府同一江西頽垣朽柱東拄西撐飄瓦斷椽脫落半居然廢址在民庶尚不堪居惟

寧府完美堅緻金碧燦煌夫大義不可已可有可為割財內帑為之未過也亦有可已無可為又何必為此等事哉古者采椽不斲茅茨不剪土墍贊堯卑宮贊禹儻

服紀河間樂善紀東平湘州約儉鎮西之輕賦聖  
帝明王所以揚盛休垂後美者端亦在是

寧府移封之初

親至親也已不用瑠璃再造之會

國至富也又不用瑠璃豈亦慕采椽茅茨之盛崇古獨

質示樸以垂憲如此如此哉今歷百年傳數世一旦

無故而遽改之孝子順孫所以順祖考者義不當是

夫前之失後人尚諱之前之善後人忍改之耶改則

盡殺之矣歿之非孝子歿之非順孫謂

賢王忍為之耶臣所謂偶未之思者也況性習難靜易

見素集卷之三

奏議

十一

動難儉易奢操之猶懼或放縱之何往不流

賢王春秋方盛德業方始求之身心自有專務而規規

循常文具之間以致職前人法則臣未知其可臣數

侍

賢王言論多師法古又誤被禮愛獨至臣服深感切私

亦當厚顧若無右於

賢王臣罪死罪死臣往年疏府第之制以不用瑠璃美

寧先王義不當以用瑠璃諛

今王且小人先合後忤君子和不尚同臣欲愛德而義

完賢名不欲貢諛順旨虧至孝孟軻曰齊人莫如我

敬王臣拘儒不識通變但知報  
王道當如此竭忠盡愚事

陛下道當如此

寧王靜思幡悟必有割於臣言伏望

聖明篤懿親斷大義垂善處使

賢王德如純璧名若完甌毋涉吳王几杖之賜叔段京  
鄙之求正大明白恩不掩義為世世頌美幸甚臣無  
任隕越俟罪之至緣係酌大義以全賢孝事理謹題  
請

百

元素集卷之二

奏議

十三

壽

巡撫謝恩疏

奏為謝

恩事臣先官南京都察院

欽命巡視江西尋蒙

聖恩改官巡撫衷嫌引避

睿注莫回申

命式臨蹈躬無措竊念臣性愚且戇超厠清銜跡孤以危  
早投閑局意深銜木倦還轉負於初期病切思糟專  
策顧申乎末路臣敢不仰酬

元遇楸盤謫庸審方今震撼之原脩近古懷柔之政庶使

江西之民頌

風之仁厚樂

愛治之雍熙臣無任感激

天恩之至除望

闕謝

恩外謹具奏

聞

進繳巡視

敕書關防疏

奏為

凡素集卷之二

奏議

十四

進繳

敕書關防事節該欽奉

敕江西各府盜賊近來尤甚特命爾巡撫彼處欽此臣先

任南京都察院右僉都御史奉

敕提督巡江兼管操江續奉

敕巡視江西欽遵將提督巡江關防并操江文卷咨送該

院右都御史張敷華暫管臣離任前來弘治十五年

十二月十三日到江西二十六日巡瑞州又巡上高

巡新昌又巡瑞州弘治十六年正月十七日回省本

年二月初四日巡進賢欲巡撫川開南康饑民群起

槍穀遂巡餘干巡饒州巡都昌巡南康地方已靖又  
巡湖口巡彭澤巡九江巡瑞昌巡德安巡建昌巡武  
寧巡寧縣巡奉新巡靜安又回奉新巡瑞州饒州饑  
民又槍穀臣又欲巡饒州五月初六日經省城奉  
勅命臣會勘董讓王哲事情留候給事中等官湯禮敬等  
到同行 事催督守巡俱至饒州嚴加禁治一面賑  
濟地方又靖其餘府縣未及巡歷荷蒙

聖恩改官巡撫除欽遵施行及將編定均徭里長稅糧等  
項造冊另繳外今將原奉提督巡江兼管操江并巡

視江西

見素集卷之二

奏議

十五

勅二道原領巡視關防一顆具本差人齎捧謹具啓奏

聞

計繳

勅二道 關防一顆

水患疏

題為水患等事據江西布政司呈准本司左布政使林  
泮咨准本司咨據贛州府瑞金縣申據里老鍾永聲  
等呈稱弘治十六年五月十四日以來霖雨不止十  
八日早大雨如注已時分江水洶湧汎漲滿城田園  
推成沙壩道路陷成深坑東門城樓城門俱各衝倒

預備倉穀儒學倉米淹浸一尺有餘週圍內外城垣  
坍塌百十餘丈近河民房財物牲口漂流罄空故老  
相傳自昔罕見又本年二月以來各鄉虎狼縱橫人  
被傷亡不可枚舉至今人絕往來似此災異相繼民  
不聊生等因備申到司又據本府龍南縣申本年五  
月初二日起霪雨連綿山溪水漲至本月十七十八  
日連被上蒙裏營西河三江洪水齊到又添大雨城  
內水溢官民房屋儒學衙門有浸至屋簷有浸至四  
尺預備儒學等倉街民房屋多被淹倒本縣監房儒  
學公廨城垣衙門牆壁俱各倒塌至本月十九日方

見素集卷之二

奏議

六

黃八

止丈量得外城倒裂二十五丈二尺內城倒裂九丈  
四尺及據本縣坊五圖里老張崇等呈稱陡被洪水  
將大小陂圳各民所種晚田有水衝成湖有沙積成  
堆人民愁嘆等因又據本府會昌縣申本年五月初  
旬以來霪雨淋漓本月十三日起至十八日止晝夜  
驟雨洪水汎漲田禾多被衝淹城垣多致倒塌近河  
軍民房屋崩倒四十餘家况又連日北風寒如九月  
以致禾苗不秀等因各申到司案查先爲地方事據  
南昌府申據南昌縣申弘治十六年三月初七日民  
人涂寬家母猪生下小猪一十二隻內有一隻未

陰陽一頭二身八足緣係怪異呈轉到司備咨到該  
會同江西按察司掌印副使沈銳議得贛州府所屬  
瑞金龍南會昌三縣俱於本年五月內被大水衝塌  
城垣淹浸倉糧損壞官民房屋推壓早晚田禾係干  
邊城民患合行脩理賑卹其瑞金縣傷人虎狼合行  
募捕南昌縣豕產怪異合行瘞埋將議處過緣由會  
案轉呈定奪等因到臣會同鎮守太監董讓巡按監  
察御史姜實議得江西地方盜賊稍息未絕人心粗  
定易搖其南安贛州二府俱係本省邊境重地先是  
南安屬縣已有喉病暴死之災近來贛州屬縣又有  
大水漂沒之患况虎患作於邊縣豕禍見於省城考  
之漢臣蔡邕曰政有苛暴則虎狼食人文獻通考曰  
豕生八足下不一也允此災異皆由臣等與有司不  
職之致臣等待罪鎮巡曷勝驚懼竊惟變不虛生事  
宜先慮除南安府災患先已具

見素集卷之二

奏議

十七

黃○

題及案仰都布按三司各行所屬衛府所縣等衙門并  
臣等痛加脩省仍行嶺北道守巡親詣贛州府分投  
查勘三縣前項水患是實將城垣倒裂者作急脩理  
倉糧浸爛者搬晒戕糶其漂流房屋缺食軍民應安  
插者安插應賑濟者賑濟水衝沙壓田畝堪改耕者



再種應申之者勦報衙門八雁墻垣傾頽損壞者斟酌財力漸次脩葺仍督瑞金縣招募捕戶將傷人虎很多方捕打務使軍民安業地方無虞緣係水患等項事理謹具題

知

請復常平疏

題爲備糴本以復常平事臣聞古無常豐之歲而民不患於不給無他積之有豫也夫民司命者官而恃以爲命者穀穀不積民有衣寶玉而死者矣故預備之計於民最急今江西所屬預備倉穀湖口縣不及一

見素集卷之二

奏議

十八

黃八〇

千石彭澤縣不及六百石石城縣僅二千有奇泰和大縣亦僅八千有奇其餘積蓄俱少臣竊憂之夫凶則散豐則斂官府常窺散則樂斂則怨人情大致詭名冒領適長市道之奸抵斗追還竟諾里老之計公催稍急則交扇互搖巧呈哀訴只得停止以致數縮于官有出而無入約爽于民有借而無還出非原泉運非神鬼伊何能繼今欲公私兩便惟有常平可復而已查得近例一里約積穀一千五百石江西衛所姑未槩論試以有司言之六十九縣總計一萬一百

四十五里穀以一里千石計之尚該一千一十四萬

五千石見在所積十未及一約少九百萬石每穀五石作銀一兩該銀一百八十萬兩盡括司府庫藏不盡一十萬兩糴本羞澀力難求濟是外非重罰罪不則勒勸大戶取彼與此仁者不爲况今法日以弊開勸罰之門義日以衰難求輸助之戶若棄是不移則今年直小荒耳待哺嗷嗷聚群搶穀南康起九江起饒州又起熄之復炎痛之而無畏焉一十荒其無尤甚者乎是正謀

國所當預處者也宋仁宗時嘗出內庫百萬緡以助饑

本今日

見素集卷之三

奏議

十九

內庫臣未敢知若承差吏典納銀之例又妨政體彼等之法冠帶尚義猶可行耳伏望

聖明軫念江西爲控扼楚蜀閩廣擁護

金陵要地人民凋瘵之餘

岳仁加卹

特勅該部計議奏行布政司招納義民官一千名除問革

官吏外不拘本省別省客商軍民舍餘老疾監生廩

增附學吏典及子孫追榮父祖各聽納銀七十兩者

授正七品五十兩者正八品四十兩者正九品各散

官二十兩者冠帶紫身監生減十之三廩膳減十之

二陸續填給收完銀兩分俵各縣以資糴本各該冠帶雖不免其差徭亦用加之禮貌毋妄點罰母輕差遣使絕陵轢樂於順從其不願冠帶願立表義牌坊者若出穀二百石亦容蓋豎不限不停以補官乏臣又見凡問口外爲民邊遠克軍罪囚或逃而不去或去而即逃徒名治奸無益事實乞

勅法司計議除情重外如扛幫誣告強盜人命不實誣告十人以上因事忿爭執操兇器誤傷傍人勢豪不納錢粮原情稍輕不係巨惡叅審得過之家願納穀一千石或七八百五六百石容其自贖免擬發遣其誣

見素集卷之二

奏議

二

罕

告負累平人致死律雖不摘情實猶重并窩藏強盜資引逃走抗拒官府不服拘捕本罪之外量其家道勸穀自五百石至一百石以警刀豪俱由撫巡叅詳

無容司屬專濫臣仍與巡按督併二司專責守令於囚犯紙米并應追贓罰工價逐旋存積務取數足爲期不容分外科罰如縣一十里則積一萬石二十里則積二萬石糴本精選該縣行檢富戶量力領買上上六百石次四百石次三百石又次二百石不許帶民公役冒領侵費專厥收受名曰常平如秋成穀賤六石糴入春夏穀貴五石四斗糴出秋成五石糴入

春夏四石五斗糶出每石明扣一斗以備折耗存積  
俱今社長社正開報貧民每丁止買二錢以杜兼利  
前項銀兩當令前該富戶給領秋成照價糶入穀貴  
依前糶出循環如常若穀賤年分不必發糶仍別查  
弘治十四十五十六三年放過饑民稻穀量過一半  
如借一石者追五斗另販收受審實極貧倍加賤糶  
如時一錢四斗則與六斗果甚孤獨無歸委難自糶  
方與賑濟不必追還若得過冒領問罪之外每穀一  
石罰穀十石衛所常平亦依此法衛一萬石所二千  
石爲則各該掌印有司考滿叅定殿最軍職管事酌  
取去留所貴上下相資人法並任同心遠大之圖用  
復常平之政臣再勸社民各立義倉與義學義塚例  
置名曰阜俗三義盡一義者書一義之門二義三義  
稱是義倉之畧社中富民任其出穀六百石或四百  
石別處一倉極貧利一分次貧利二分春借秋還轉  
相調助民樂表異似亦有從若常平既復社倉又行  
則饑饉有備而地方可保無虞此預備至計子民至  
急而江西今日尤爲急者伏惟

留意臣不勝大願緣係備糶本以復常平事理謹題

均平稅糧鹽鈔疏

題爲脩政本以弭大盜事據江西布政司呈准本司左  
布政使等官林泮等咨抄奉巡視案驗照得弔查坐  
派糧冊頗屬均平但地險遠者利輕齊地近便者利  
本色尚踈適事之宜私其民者曲申請私其鄉者妄  
奏謠未杜搖言之惑折色改通派尚庇專利之家五斗  
撥存留顧長洒糧之弊歲用不足須別通融歲納愆  
期須申則限况免淮南祿存折名項數多鄉民難於  
備曉糧里易得藏奸又戶口食鹽錢鈔起解有定額  
徵收無定丁充便縮伸影射之謀欲燭幽微須立簡  
易看得左布政使林泮管糧左叅議黃皞慎密老成  
合委編派仰抄行各官即將所屬稅糧從公定派何  
處便本色何處便輕齊何處無害重難何處須加輕  
省寓足用之法定徵納之期除官米照舊折色外民  
米不拘官戶民戶米多米寡通行扣筭起運項下免  
軍南淮折銀折布存留項下

見素集卷之二

奏議

五

劉三

親王郡王祿米軍衛有司學校俸糧俱以一石爲率細

扣某項正耗各該銀米各若干會總若干每石總扣  
名以銀米各若干止作二項填寫由帖使人戶據總

而出糧里分類而納應自運者仍自運應糧里者似  
糧里俯從民便仰給公輸食鹽錢鈔除老幼殘疾免  
徵外實在丁口選的當府官或風力知縣通查某縣  
某圖某戶丁口若干通該若干寫定花名數目將該  
縣額解錢鈔通扣該用若干丁口可足若有餘剩孤  
貧及下下戶量與省免母容市民大戶用幸造定徵  
冊照丁催徵五年一次改造寓消耗於省口隸歸一  
於限年庶官存原額民感寬征補物料之重以紓民  
力之困其徵收解戶將見年里長丁糧最上之家開  
具大縣八名中縣六名小縣四名各註畧節行檢申

見素集卷之二

奏議

三

危四〇

布政司於內點僉大縣四名中縣三名小縣二名候  
下年管收不許勢豪私囑公役陰圖而民幸保完日  
通解布政司類解中間若有未盡宜從徑自叅處使  
一弊不留官民兩便等因備抄移咨到職案查節准  
本司咨奉巡視案驗批呈俱爲坐派稅糧等事已經  
遵奉查派造成草冊繳報今准前因會同將南昌等  
一十三府南昌等六十九縣稅糧除官米照舊徵收  
折銀外其餘民米不分官戶民戶糧多糧少俱照各  
色則例一體均派若縣分富庶及舟楫可通量撥重  
難縣分貧難及舟楫不通量加輕省其銀米加耗及

軍船雇脚盤剥搬運等用廣咨詳處條析類合逐一  
扣編由帖具式行註俵散使人戶據是而出粮里據  
是而徵官司據是而考其欠納過徵之弊其各縣戶  
口食鹽錢鈔徵收事則亦就各該稅粮冊後備開明  
白令其遵照今將弘治十六年并弘治十七年以後  
年分派徵稅粮文冊造完咨繳等因備咨轉呈到臣  
案照前事該臣巡視江西節該欽奉

敕江西盜賊之起委由賦役不均官司坐派稅粮等項往  
徃循情畏勢陰佑巨室貽累小民以致窮困無聊相率  
爲盜爾須悉心訪察痛革弊端務在平徃均賦以甦小

見素集卷之二

奏議

十四

危四

民困苦欽此欽遵已經行委各官會查編派均徃去後  
今據前因會同巡按御史姜實議得立法救弊莫貴  
乎始之詳詳則節目易見又莫貴乎終之簡簡則綱  
領易知今各官林泮黃皞會處前項稅粮鹽鈔本折  
例派既以杜飛洒之奸存起地方又以避險夷之便  
以正數兼耗費以一石例升斗總收類納條理可尋  
上賦下供毫粒無爽而由帖分散家喻戶曉粮一石  
者即知該納米幾斗銀幾錢粮一斗者即知該納米  
幾升銀幾分出過其數則爲粮里多徵不及其數則  
爲人戶欠納存留兼派本折積歲餘以補歲用之缺

子粒先儘衛所核歲實以杜歲納之虧至於鹽鈔扣足額則虛冒莫售其奸下口審量免則困窮重蒙其惠數具成冊用革濫徵解選良民潛消侵囑他如起運輸納之期里運自納之便因事立則摘隱發幽若刻實寬若繁實簡誠爲官民兩便其周防剗抉不過奸汙官吏糧里私蠹而已持而循之人戶所省一年約銀五六十萬但壞於貪冗則盡廢毀於異同則中更又非今日所能預料合無准照編定均徭里甲事則行布政司將前冊騰發南昌府支給官錢雇募翻刊印刷送司鈐記每府縣掌印管糧各發一本仍令

見素集卷之二

奏議

三五

卷四〇

各府自備紙劄將凡例并該屬縣分稅糧鹽鈔則例刷印回府鈐記發各糧長一本俱相承收照其人戶願自印者聽從其便使則例廣傳上下通曉而宿弊一清其弘治十六年稅糧坐派已遲合暫行屬依派其弘治十七年以後俱候奏

請定奪再照江西左布政使林泮清而苦勞而謙晦密慎勤超絕倫類左叅議黃皞謹實明亮克稱才猷其編派稅糧鹽鈔可謂竭盡心思而推筭筆削之勞皞尤任之故臣得藉手塞責伏望



敕該部詳議具覆乞

賜裁處頒下遵行使小民均惠而臣等任怨亦爲不孤若  
行之年久又有應正事宜務經撫巡議

奏以杜吏奸林泮黃皞量加旌擢以勵官能緣係巡視  
節該奉

欽依務在平徭均賦以甦小民困苦及脩政本以弭大盜  
并勵官能事理未敢擅便除行江西布政司備造

奏啓文冊徑自奏繳青冊呈送戶部查照及將平徭役  
另本具

題外爲此會本謹題請

見素集卷之二

奏議

三

危四

旨

均平丁糧徭役疏

題爲脩政本以弭大盜事據江西布政司呈准本司右  
布政使柳應辰咨准本司咨奉巡視案驗據本職并  
江西按察司副使沈銳呈送定處過均徭里甲草冊  
到院看得凡例簡嚴條議周悉但編派均徭丁糧處  
置里甲銀兩雖云濫設加汰而省若未多缺額盡填  
而徵猶過重民難慮始法在圖終欲垂永久更在精

詳仰抄案回司即行原委官員將發去草冊再行查  
議改過各項總數條件再行查算編補均徭銀兩可

行酌處廩給庫子弓兵名數先賢忠臣等祭祀查明  
增損其餘可革可因從宜審處作急完報等因備咨  
到職案照前事咨奉巡視案驗行據南昌等一十三  
府掌印知府等官祝瀚各親齎查過縣屬丁糧里甲  
均徭揭帖前來查審差有銀力而均徭混編里有大  
小而煎銷槩出田不論等利倍而同科戶不論則富  
懸而例派况大縣四五百里小縣五六七里大者差  
迺增而猶輕小者差迺減而猶重不差五斗以優下  
戶顧起洒糧之奸第免雜差以優仕籍顧藏寄籍之  
託必欲一清宿弊湏在深計熟籌除量加去取省令

見素集卷之二

奏議

七

黃六

各官執帖前來外看得布政司右布政使柳應辰按  
察司副使沈銳精練老成擬合選委仰各抄案回司  
即行各官別擇寬靜去處令祝瀚等會聚交謀同仁  
均視合各縣以通融盡一方之絜矩所損所益務當  
務均議定回府各官逐旋會查某府某縣歲派里甲  
原額若干不論里大小家貧富止憑丁糧定派人一  
丁若干糧一石若干使如原額扣定額派弓箭弦條  
并祭祀鄉飲孤老等留縣支用其餘盡數解府類解  
布政司編附流水號簿將歲派黃白蠟皮張等項一  
應物料并戶禮工三部近年加派通約可勾若干尚

欠若干應於均徭編補又將其縣歲徧均徭解戶柴薪皂隸弓兵巡攔斗級門子庫子館夫馬夫渡犬防夫鋪司鋪兵等項銀力各幾差力差折估與銀差通該若干又將進

表須知科貢盤纏牌坊勻派通該若干一縣一府一省分計總計并補物料共該若干方將各府丁糧除事例應免之外糧不分升合并假託寄莊俱田分三等高者重出低者輕出了兼論事產并同籍異門俱丁分九則上上重差下下免差又如九江南康等小府星子瑞金等小縣力差尚難銀差應爲別派吉安饒州

見素集卷之二

奏議

元

黃六

等大府豐城鄱陽等大縣銀差尚輕物料應令編補撫糧輕而田濶派多不過袁糧重而田狹派寡非偏府縣正佐柴薪馬夫別派以別官嫌司屬大小力差近編以從民便樽量三年五年一編之處默符十年一編之差先以凡例次以額數又次以編審徵解存留編補使鑿鑿可考求遠可行務盡逐年之丁糧僅勾逐年之差使毋編餘剩以便侵漁此外別有相應宜從徑自增損等因備咨到職已經會同於永寧寺

寬靜處所督同知府祝瀚等查議均當就令回府各職仍於本寺逐一遵照案驗事理將均徭丁糧通融

編派里甲銀兩酌量查處類造草冊繳報去後今准  
前因催據南昌等府將各驛廩給庫子巡司弓兵等  
項可增可減名數并先賢忠臣等祠祭祀名項各開  
報前來會同按察司副使沈銳再將發回草冊逐一  
查議除遵照改定編處外其濫設重徵未盡汰者汰  
之未盡減者減之并他可增可損可因可革逐一酌  
處惟求省費兼取便民今將定處事宜類分條例其  
類有五一日編派查處九例計五十條備載沿革  
及查處編立革弊則例二曰編派均徭條格計

條備載差役總額欵目及編派優免則例三曰編派

均徭定額計六十九縣總爲一條各分其目備載差  
役名項及丁糧派銀編差編補料價定數四曰查處  
里甲銀數計

條備載各縣額派弓箭弦條祭

祀鄉飲孤貧布疋有無勾欠及酌派足用定數五曰  
預計坐派料價計

條總查均徭里甲派撥編

補以備坐派物料定數夫條格所以揭定額之綱定  
額所以著條格之目查處所以立預計之體預計所  
以實查處之用條格定額皆爲均徭而設查處預計

皆爲里甲而設九例則總括四類而領袖貫通其間  
者也均徭里甲立則大要如此若奉行得人則徭役

不累偏差里甲不憂重派乞爲詳擇發屬遵行使有  
司守畫一之規小民解用三之困等因造冊咨繳到  
臣案照先爲前事該臣巡視江西節該欽奉

勅江西盜賊之起委由賦役不均官司坐派稅糧等項往  
徃徇情畏勢陰佑巨室貽累小民以致窮困無聊相率  
爲盜爾須悉心訪察痛革弊端務在平徭均賦以甦小  
民困苦欽此欽遵已經行委各官編派續據呈繳草冊  
前來又經案行再加詳處去後今呈前因會同巡按  
監察御史姜實議照官有庶役國有常供勢不可缺  
而取必在民然非有以均節之於力必困財必窮而  
人心必失今日江西之盜職非由此者耶幸逢

見素集卷之二

奏議

三

三〇

聖明量包

天地怒震雷霆醜類革心渠魁授首耄孺蘇息欣際少康  
然悠久之計根本之論則平徭均賦毋復餘矣臣等  
仰宣

德意慎付官能除稅糧鹽鈔別委幹理外而均徭里甲既  
合各府之長復重二司之託惟欲經畫

國計解紓民隱今柳應辰沈銳處編造繳寸量銖較縷  
析毛分盡一年之丁糧定一年之差使叅之戶則田  
則定以銀差力差杜飛洒則見糧有差杜餘剩則補

料有數杜妄費則進

表湏知科貢盤纏牌坊有定額縣有大小而輕重默符年  
有疎密而勞逸運格目具而混淆以清額數定而  
名銀可考以縣視縣而一府均以府視府而一省均  
固不涉違道以虧公亦不專庇貧而抑富一年而論  
差約減二千四百餘差銀約減四萬七千餘兩其量  
除丁糧優免官吏生員等家并貧難極下人戶丁計  
八萬一千餘丁糧計四萬九千餘石則又不在編差  
之限而均徭比舊輕矣里甲均見年丁糧而出則里  
無大小人得其平按舊額出辦而徵則銀無增損官

見素集卷之二

奏議

三

劉三

持其要先儘額派軍需物料祭祀鄉飲孤貧則存留  
定數易查其餘辦料并均徭補料銀兩類解使司流  
水附簿則起解定數易考人民難於拖欠官吏難於  
侵沒物料分類齊解上得實用事整而不見其勞解  
戶因類總僉下無重擾事約而不涉於濫在官所減  
雖無定數可稽在民所省約以數萬爲計則里甲比  
舊輕矣至於各項罷行之法槩可揭查通融殫乎心  
力因革契乎事宜詳而可見簡而易知其澄弊大致  
在杜絕官吏恣濫僉存餘剩多微盜費而已但任法  
不如任人固難保奉行之皆至如阜隸馬夫自私者

或不利於調派坊牌盤費要譽者或輒擬於加增額法必更而民必加病至他異同亦非今日所能逆料者也合行布政司將前開騰發南昌府支給官錢雇募翻刊印刷送司鈐記分送鎮巡按察司并守巡各道及分發府縣各一本相承存照各府自備紙劄將凡例并該屬縣差額等項印回鈐記通年轉發編審均徭里甲官員查照人民碩自印者聽從其便使則例廣傳上下通曉宿弊一清其弘治十七年均徭里甲編派已遲合暫行屬依派其弘治十八年以後俱候奏

見素集卷之二

奏議

三十一

一調

請明文定奪再照江西布政司右布政使柳應辰廉慎公勤政事精練按察司副使沈銳謹密沈敏刑名深歷其編派均徭里甲可謂細入毫毛而比類分條之勤應辰允任之故臣得以因人成事伏望

特勅該部詳議具覆凡定過一應差徭調解補料不許一役濫僉一事改派一丁一合餘剩一兩加添其盤纏坊牌名目兩數之外牌坊除官府壯觀損壞脩理外其餘俱係一時作興不許再作人情脩理違者官作不謹罷免受者坐贓治罪庶政例嚴一風清弊絕而

爲

國爲民任怨亦爲不孤其柳應辰沈銳伏乞量加旌擢  
以勵官能緣係巡視節諫奉

欽依務在平徭均賦以甦小民困苦及脩政本以弭大盜  
并勵官能事理未敢擅便除行江西布政司備造

奏啓文冊徑自奏繳青冊呈送戶部查照及將均糧賦  
一事另本具

題外爲此會本謹題請

旨

守制乞免關勘合疏

奏爲乞

見素集卷之二

奏議

三三

劉三

恩守制等事臣罪豐盈積禍延臣母今年七月二十八日

在家病故八月十五日計聞五內分崩攀號慟絕臣

出二年乞歸五疏亦預虞在此也今臣母不可作矣

臣父今年七十有四父患風疾重罹氣感事切可虞

臣質弱服勞遭此凶變疾疢轉亟血氣乾枯手足風

痺神魂散失憂亦旦夕間人即欲匍匐就道關領勘

合緣已不能動止誠恐客死於外臣既誤臣母不無

又誤臣父雖切報

國之心將亦與身俱滅伏望

聖恩矜憫乞



該部查臣前後奏疏容臣住關勘合回還守制兼侍父  
戴 湯藥臣倘前病不痊服滿容臣致仕臣死生不勝感  
天恩之至謹具奏

聞弘治十六年十一月二十一日少師兼太子太師吏部  
尚書馬

題奉

聖旨林俊著照例守制欽此

回話疏

奏為乞

見素集卷之三

奏議

三

劉三

恩認罪回話事臣准刑部咨備該部題為欺慢

朝廷失誤

慶賀事談

寧王奏弘治十六年七月初三日恭遇

萬壽聖節

慶賀官員數少點得指揮等官吳漢等三十六員生著

吏典張璽等五百一十七名不到叅奏提問及叅臣

不應先於本年六月二十七日日出巡乞降

勅戒諭等因奏行該部擬查臣果有無故迂避情由徑自

奏

請具題節該奉

聖旨王所奏林俊事情着他從實回將話來欽此欽遵備  
咨到臣

天威下臨魂魄飛散方裂肝而灑血充叫

天以望憐踈妄罪浮輸情敢隱臣聞各省比遇

慶賀惟三司掌印官會城行禮鎮巡守巡公差等官隨  
在行禮非不欲俱集省城或事勢不可緩或地方不  
可離往逐旬月為誤非細又別省巡撫或可安坐遙  
制江西適當多事臣節該欽奉

勅江西賊情重大爾至彼設法撫捕務令盡絕江西各府

見素集卷之二

奏議

三五

黃六

地方盜賊成群肆行劫掠毒害善良近來尤甚特命爾  
巡撫各該府縣時常往來巡視欽此欽遵臣感激思奮  
為

國分憂期盡歷郡縣盡掃兇賊以紓民急以仰答

上恩瑞州最急則巡瑞州撫州次急又巡撫州取道建昌

益王殿下發進賢遇南康九江饑民搶穀報至遂王饒

州趨南康九江順巡南昌屬縣又巡瑞州單饒州搶

穀又起撫州賊又作臣又趨饒州道省城欽奉

取功事等催守巡先赴又督府所掌印巡捕立限緝拿又

委知府指搆四撫入  
留督拏奉劫越獄南昌豐  
城建昌劫財殺人等強盜條災異預備等章奏均係  
里甲稅糧鹽鈔等事宜屯田等案驗發粟以賑民饑  
賤糴以平米價接審訟獄舉行社約禁導風俗政務  
甫隙即同清理屯田給事中湯禮敬監察御史張津  
員外郎趙履祥俱於本年六月二十七日出巡臣在  
撫州行慶

賀禮又由建昌朝

益王殿下盡歷屬縣又踏勘長寧縣治又由饒州巡浮

梁志寢食觸虎豹犯風濤假晝夜之驅馳易日力以

見素集卷之二

奏議

三

黃

理事甫八閱月巡八郡三十七縣賊多之地或再至  
或三至或住七八日或十餘日險僻山縣自來不見  
巡撫守巡罕至臣皆親蒞吳城毛竹山弘山等處賊  
巢臣憑仗

皇靈單車深入宣示

威德或草宿荒舍或五鼓抵城積苦服勞鬢髮盡白猶以  
不能安地方副

陛下任使爲懼臣豈容頃刻圖安即粗迹之瘁勤驗素懷  
之忠愛恭遇

聖節實切懽欣齊三祝於嵩呼特萬私於

天保臣豈敢無故迂避又隨在行禮故事具有湯禮敬等

三人是日同出似亦有據但

寧殿下素負賢名好古下士臣未至江西荷蒙

吹譽既至荷蒙

優待加常臣感激受

知亟圖愛助而自安率直竟涉猜嫌猶蒙寬假僅

請戒諭

陛下憐臣螻蟻未即行誅容臣自實臣悔罪服辜實當萬  
死不勝戰慄怖恐之至緣係乞

恩認罪及節該奉

見素集卷之二

奏議

三

并

欽依從實回將話來事理謹具奏

聞

申明處置地方疏

奏為申明處置地方事臣聞地有遠近故治有詳畧以

天下言中國近而外夷遠也故治詳中國而畧外夷

以一方言內地近而邊域遠也故治詳內地而畧邊

域蓋詳可以制畧而畧斷不可以制詳治之勢亦治

之體也江西原無專設巡撫後因南贛二府與湖廣

福建廣東三邊相連流賊搆患議設都御史贛州居

住控制三邊其職專在督捕盜賊填安疆陬非若巡

撫軍衛有司錢穀兵馬刑名徭役學校農桑吏奸民  
隱皆其職也前于此江西之沿革韓雍閔珪均有可  
觀則巡撫之驗也後乎此贛州之處分金澤亦有可  
觀則提督之驗也其後金澤改江西巡撫仍督三邊  
便見踈越韓邦問繼之又見踈越積忤召允竟爲言  
者所劾此畧不可制詳之明鑒也三邊流賊出沒無  
時劫縣攻城乃其常態既控三邊勢不得不住于贛  
甯江西千百餘里聲息往返動經半月臆度遙處豈  
能徭中事會顧彼失此勢難兩兼更欲旁州僻邑歲  
時週歷宣

見素集卷之三

奏議

三

上恩汰官弊親問民所疾苦又甚難者臣觀湖廣之鄖陽  
控河陝諸邊故湖廣之巡撫鄖陽之撫治毋害並置  
而山陝之榆林寧夏大同宣府各有巡撫提督均是  
意也以臣愚見都御史不預巡撫專令提督三邊贛  
州居住江西歲差南京侍郎或都御史一員更代巡  
視務在遍歷宣示

恩德察覽風俗興革利弊事安奏停使詳畧相宜各便行  
事如蒙

准題乞

勅該部覆議可否奏取

聖裁緣係陳言處置地方事理謹具奏

聞

辭免再起江西巡撫疏

都察院右僉都御史臣林俊謹

奏為乞

恩辭職致仕事臣准公移荷蒙

聖恩陞都察院右副都御史巡撫江西及臣前疏辭免行

取乞

容致仕又不蒙

允者自

見素集卷之二

奏議

三九

并

天有命無地措躬伏念臣起自諸生誤承

驅使清階數轉感

恩遇之已踰小力重煩念身衰之獨早自為按察使即已

嬰心骸骨委分林泉矣幸際

聖明垂仁棄物我

孝宗屢有起廢之命我

皇上又有收召之恩今又有此遷除兼起視事臣非木石

豈不深加感激而思效涓埃哉緣臣始末本懷屢亦

具見辭疏臣父近尤耄耗臣近尤衰頹風濕轉深痲

瘡間作視昏聽重體弱神疲在情事既如彼在精力

又如此加以江西地方即今多事尤非病廢可支徒  
深假退求進之嫌無切徇名責實之望臣揣微分難  
冒顯融如蒙伏望

聖慈俯察哀懇追回右副都御史

成命容臣舊職致仕以養臣父終餘年

特勅吏部別推賢能奏克巡撫臣無任感激求憐之至具  
本該通政使司官奏奉

聖旨林俊屢引疾乞休情詞懇切准致仕吏部知道欽此

見素集卷之二

見素集卷之二

奏議

四

丹

奏謝表來華之報無魚樞各遣實志望且謝謝公  
受賦此以出西嶺故明今多事尤非病廢可支徒

後學黃佐 校正

族子 富 編集

後學柯維騏重校

孫男 及祖重梓

奏議

西征稿

預處地方容令致仕疏

欽差巡撫四川等處地方都察院右副都御史臣林俊謹

奏為乞

見素集卷之三

奏議

乙

之

恩選任風力預處地方容令照舊致仕事正德五年二月

初一日節該欽奉

勅近來四川地方盜賊縱橫今特命爾巡撫兼理松潘安

綿建昌等處邊備撫安兵民如遇寇盜量調官兵民快

相機勦捕陝西漢中湖廣荆襄等處交界地方流賊出

沒遇有警急亦宜發兵應援星馳前去以紓朕西顧之

憂欽此欽遵本月初四日又節該欽奉

勅四川流賊劉烈等四出搶掠侵入陝西漢中西鄉縣等

處地方殺人劫財僭稱王號勢漸猖獗誠恐愈難撲滅

今特命爾親詣夔州一帶選委謀勇官員統領官軍民



快相機截殺或搗其巢穴或離其黨與或出奇制勝黏  
蹤追襲鄰境交界之處或有警急互相策應一應錢糧  
軍馬等項便宜區處務期克獲以收全功欽此欽遵聞  
命怖惶感深有泣仰

天自誓義不與此賊俱生謹遵吏部題

准伍日嚴程於本月初五日興疾上道兼程前去外切念

臣先在雲南感患風濕在湖廣轉加沉重自此因疾

累疏乞休正德元年十二月奏奉

聖旨林俊屢引疾乞休情詞懇切准致仕欽此欽遵臣猷

敢餘年皆

見素集卷之三

奏議

二

之

陛下之賜也近因父憂致毀風氣日深衆疾交作無十日

不病無十日不藥耳重目昏脚痿齒脫精神毫無耗臨

事健忘許

國朴忠抱素心於葵藿嬰身宿疾逼暮景於桑榆竊恐

計乏萬全術疎三畧辜負任使致誤地方未免煩

聖朝西顧之慮伏望

皇上

天地之量

日月之明爲地方至計

特勅吏部另推精力才智官員

簡命前來代臣巡撫遵照分定地方相機策應撫捕盜賊  
容臣照舊回籍致仕以終殘喘不勝感懼求憐之至  
謹具奏

聞奉

聖旨吏部便看了來說欽此談本部題稱本官素負重名  
年力正堪委用且聞

命就道日兼數日大臣器度濟急才識即此可徵所據陳  
乞致仕難以准理等因奉

聖旨是

通江捷音

見素集卷之三

奏議

三

題爲捷音事伏以苗民弗靈虞帝陳兩階之舞徽狃孔  
熾周宣興六月之師自古聖君賢辟德柔威斂同功  
而異用也

皇上出震嚮離握乾撫泰

重華不冒於六合群醜偶縱於三巴流賊藍廷瑞馱本  
恕等烏合數萬盜竊名器紅巾扇焰赤地爲墟

皇上宅以至仁包之大度而彼頑弗率愈沸愈騰

皇上軫念民恫兵不可已

命總兵官毛倫視荆南都御史黃寶視關南太監羅籥視

川之東北

廟筭周悉比臣起廢視師則羅籥與御史陳鍾左叅政曹祥僉事李恕已奏川東之捷羅籥又與御史俞縉布按二司左布政使高崇熙按察使丁養浩等經紀兵餉御史胡珣方德懋陳祥叶贊成事曹祥李恕守東達以斷走寧之路都指揮僉事徐繼僉事郝綰知府邵賁守廣利以斷殺番之路左叅議黃瓚僉事錢朝鳳署都指揮僉事陸震駐兵通江大小關隘把扼無遺分畫已定而尚書洪鍾近有總制之

命藍璋近代黃寶毛倫近有水寇之捷軍聲益振臣異懦

迂生深勤撫議而賊跡豹斂賊心狐疑毒熱薰蒸疫

見素集卷之三

奏議

四

字

痢大作病死逾萬食盡勢窮脅從日以解散賊老人四十八營舊黨聚哭分爲二支藍廷瑞與晁惡廖惠等一支擬據保寧鄆本恕巴州李老人等一支擬據漢中攻鄖陽由荆襄而下正德五年六月通江孤城山水衝塌臣亟促脩砌兵火之地雇募無人預慮有變連發四支之兵本月二十日一支先到本月二十一日廖惠等果來劫縣倉卒輕敵致入破城錢朝鳳陸震指揮郭敦知縣魏應時等隨即逃走賊殺人放火當有公差官兵回縣賊疑救兵相率回營縣治學舍倉庫分司未動賊被兵夫在陣殺死六名高橋紅

崖等處分路射死七十三名生擒二名逐趕淹死五十四名奪獲騾馬一十頭匹賊殺兵快一十五名市民四十六名日本日接管分守左叅議公勉仁帶同二支之兵將至通江聞變退回又遇三支四支之兵又行退回屯駐右埡臣復發儼回石砭等兵節督公勉仁前進會同錢朝鳳犒新兵收散卒勵以忠義示以必死儼回石砭激發先赴本月二十四日公勉仁方離右埡本月二十五日謀報賊至錢朝鳳驚跌水溝陸震驚失心俱尋走計鄉夫抗聲大義錢朝鳳愧止本月二十六日辰時賊併力謀據通江坐食倉糧

見素集卷之三

奏議

五

○昇

不意我兵已振錢朝鳳烟燉一陣儼回箭無虛發賊總甲王三等九名應弦而死兵夫乘勝敵斬一十五名跳崖跌死一名餘賊敗衄本日午時公勉仁之兵復從廟埡子架梁連闖數陣射殺八名擒賊老人廖光子賊總甲高保兒等五名本月二十七日錢朝鳳又遣儼回石砭鄉夫助陣龍灘河偶漲賊賣踪過灘機正可乘公勉仁擁兵不追儼回鄉夫奮勇追趕殺死賊總甲王法林王月林王月聰王四王五等并生擒跳崖跌死淹死自本月二十一起至本月止六計擒斬八百四名口跌死五百九十四名口淹死五

百五十七名口沉水漂流不計其數奪獲騾馬七十  
五頭匹續調羅回標手又到又發知府張敏何珊統  
領同指揮曹昱王英知縣李相率同鄉夫前追本月  
二十九日張敏追至門鎮子直扼其前兵僅千餘賊  
幾二萬連戰二陣本年七月初一日又戰二陣俱捷  
賊探兵少商量要包我兵赤身散坐石砧三千餘兵  
背馱後至誤入其營被賊圍殺石砧殺賊一十一名  
賊殺石砧八名傷九名石砧走出復入張敏營內賊  
方來聞何珊等兵會鄉夫林集各賊畏懼藍廷瑞一  
萬餘人賣踪先奔紅口廖惠等七千餘人殿後拒闢

張敏兵分爲三橫衝賊陣何珊等兵爲後應各賊披  
靡乘勝追逐殺死人馬重疊落崖三條溪溝俱滿大  
溪十里流水俱紅錢朝鳳兵亦尋會殺死賊老人廖  
麻子麻六兒饒老人李老人冷老人并藍廷瑞廖惠  
妻及搜山擒斬自縊自六月二十九日起至本月止  
共計擒斬八百七十一名口走回被虜男婦六百餘  
名口殺落溪溝張敏等追賊不及查數老人馮進英  
等報約有三千餘人本月初二等日鄉夫陳大俊典  
史陳浩等生擒廖惠并小老人王仲甫小甲張彪徐  
珠等及斬首共計三百五十一名口陸續奪獲騾馬

一千餘頭匹及腦包賊衣等件審據廖惠口供手下約有七千在陣擒斬殺跌身死走脫不及七八十人與進英所報相近除廖惠王仲甫監問解京餘審真賊軍前斬首與賊級梟掛被虜脇從情重量發充軍情輕給親賊妻給配驛馬衣服財物給賞有功兵夫器械給軍銅印旗號入官張敏何珊等仍領官兵追過陝西西鄉縣務在掃平另報功次行勘的實及錢朝鳳公勉仁陸震等另叅外臣竊觀賊勢本盛彌月之間病死逾萬散亦數千一偶也賊營故遠竟之授首縣門頗省供饋二偶也雲陰下垂我營不暴河水

見素集卷之三

奏議

七

卷

忽漲彼渡多淹三偶也賊首廖惠廖麻子麻六兒輩惡不聽招撫俱先擒戮四偶也原調酉陽各處精兵未集遽收全勝五偶也茲蓋仰賴

祖宗之靈

朝廷之福

皇上神威聖武至誠格

天之致然賊本良民所司不善拊馭致失其始臣又不善

招徠致失其終昔宋臣曹彬下江南不殺一人臣化

賊弗效雖則因人就緒有餘愧焉第鋒刃之下善惡

豈能盡分而首虜弗尚全活亦為稍眾斯臣所籍手

報答者也無任隕越愧懼之至緣係捷音事理謹具  
題

知

叅駁楊友謀復官職衙門疏節畧

題爲乞

恩俯順夷情請給印信保復衙門承襲官職撫理地方等  
事據分巡川東道僉事李恕呈據委官重慶衛指揮  
聶震重慶府檢校郭勝呈會同貴州平越衛指揮高  
貴審勘楊友男楊弘承襲緣由到臣緣在先臣處無  
行近節准兵部咨該播州宣慰使司所屬黃平安撫

見素集卷之三

奏議

八

徐

司被殺土官楊才義男楊政賢奏稱楊友買借湖廣  
臻洞長官劉暹苗兵八百餘衆驀進重安城詐傳

朝廷釋放將土官張銳馮經等追趕出城勘官四川左  
叅議黃贊僉事陳睺圍逼奏印等情又爲陳情分豁  
事爲陳情懇乞

天恩優憐殘喘以安邊夷事該保寧羈管革職土官楊友  
奏要還職承襲等因又爲苗人聚衆挾讐捉殺土官  
等事該巡按貴州監察御史吳棋奏楊友與黃平安  
撫司土官楊才挾讐節要捉殺正德四年閏九月十  
二日忽有天苗萬餘到城將楊才私宅燒燬家人六

名并楊才殺死割頭去訖及黃平天苗天志等告黃平所曹指揮聚集殘賊燒死各寨夷民三十六名虜去男婦四十八名牛馬牲畜三百七十頭匹并箱籠銀兩衣服等情各奏行兵部節查爲異省貪官主令故縱糾拽苗人趕殺土民燒燬房屋惑動苗夷劫虜家財奪占衙門擾亂地方急救生靈等事該播州重安長官司土官張銳奏又爲建言地方事該監生吳卿爲保固地方事該貴州麻哈州知州嚴傑等各奏要將安寧宣撫司再設革任楊友宥罪降印令其撫安夷民等因該部行准巡撫四川劉都御史咨稱勘

見素集卷之三

奏議

九

山

得成化十一年已故宣慰楊輝將庶長楊友奏保設立安寧宣撫司分管寨分楊輝故後楊友與楊愛互相訐奏差刑部左侍郎何喬新錦衣衛指揮劉綱親臨會勘將楊友并宣撫司革罷經今二十餘年地方頗寧若要設立誠恐有蹈前失及該部節叅楊友係先年安置保寧間住人數今乃擅歸舊治意欲復管苗衆及楊政賢所奏楊友謀同殺害楊才事理非輕合無仍行湖廣川貴三省鎮巡等官從公會勘查處等因節該題奉

欽依是著鎮巡等官上緊會勘明白奏來定奪着各該鎮



巡等官上緊從公會勘奏告事情議處停當奏來定奪  
毋致再詞欽此欽遵備咨到臣叅看流土承襲祖職法  
有定規舍餘奏添衙門名爲召亂楊友連年兄弟讐  
殺會勘奏革積禍始消凡兄弟尚爾爲讐夷民何因  
感德縱使得衆徒長亂皆乃敢擅離遷所巧駕誣詞  
財買吳卿嚴傑之奏保奸弊昭然節經巡撫兵部之  
查叅是非明甚况楊友見今殺逐宣慰避逃何名息  
怨挾留守巡奏印重肆兇頑固首惡之貫盈亦群邪  
之唆扇各宜追究大正典刑但係夷苗及原奏本院  
無行今奏俱應議處已行布按二司轉行分巡會勘

見素集卷之三

奏議

十

去後續據按察司呈同都布按三司掌印官都指揮  
僉事徐繼左布政使潘楷按察使丁養浩議得播州  
宣慰使司凱離天苗爲害始於革職楊友之奸謀成  
於異省劉暹之叶助糾縵苗夷動以千計既逐重安  
等司之長官遂據其城又殺黃平司之同知并繫其  
父人民爲其攻劫田土被其占耕計其所爲惡貫已  
極因此該司并各被害官司人民合詞奏訴及照楊  
友先年犯罪法所當誅荷

國厚恩羈管閒住日積月累奸計漸生植黨據巢要挾  
官職雖云自相讐殺實則自速刑誅據此而言均爲

有罪但宣慰司累次告鳴情詞懇切官雖徒設民則何辜又天壩等苗夷衆口一詞願復舊治楊友雖在擯棄楊弘尚可收錄一則救民於水火之中一則定亂於搶攘之際合無委官親詣從公集議只今重復開設是否於地方有益人民無害應否改屬等因到臣看得楊友逃避山林不服拘喚節次結構苗夷侵疆越界殺官劫財擾亂地方或殺千三百餘人或虜萬二千餘口或全殺數戶或全虜數家楊友應正謀叛斬絞凌遲之刑其子楊弘應坐給付功臣之家爲奴之典各官會議明稱楊友貫惡已極却又朦朧議

見素集卷之三

奏議

十一

黃巖。

稱楊友雖在擯棄楊弘尚可收錄定處重復開設衙門前後情詞自相矛盾臣又查叅楊友逋囚扇禍虎吞諸夷罪惡貫盈但念治夷宜畧未即行誅戮至復長亂階重議衙門建置地方禍患責將誰歸扶綱常申大義議處通呈定奪未報續又據播州宣慰使司節申楊友邀引外夷越境爭謀地方等因該臣訪得楊斌取盡錙銖剝連肌髓大失苗心楊友大羊故性狼虎元兇大興亂首土官奢爵下寨長任唐等黨邪害正傷類敗群大乖隣好亦猶罔識禮度罔知綱常罔接正人罔聞正論合行開諭楊斌楊友奢爵并任

唐等俱要洗心滌慮守分安常楊斌易濁爲廉收苗  
夷既失之心楊友易逆爲順消家族已危之禍奢爵  
任唐等易野爲靖結隣境親睦之情況揚友構兵結  
怨奪地殺官延禍邊陲身爲倡亂之首已遲謀叛之  
誅誰敢爲之保勘奏立衙門官職是非利害甚明宜  
固保寧安家樂業永享太平如再違拗楊友并助亂  
自當奏調官兵剿滅噍類無遺楊斌奢爵亦當奏革  
祖職設立流官以爲叛逆助惡及不恤苗夷之戒行  
令遵依去後續據永寧宣撫司申楊友結黨讐殺劫  
掠已經呈稟上司撫勘未結隨准兵部咨該播州赤  
水里土官頭目袁瑚奏楊友聚衆黨惡流劫等情奏  
奉

見素集卷之三

奏議

七

六〇

欽依都察院行勘務見明白授狀坐視不行的一併叅了

來說備咨到臣案候奏人未到隨據播州宣慰使司差

長官劉彬齎繳造完被害夷民文冊到臣備審劉彬

供稱成化年間楊輝溺愛楊友被長官張淵頭目何

清徐泰馮瞰左道蠱惑指倚臨邊天壩千山苗讐忿

將重安舊管熟苗凱離等五十二寨并峇山舊管崖

門等二十五寨聚住隨風反叛具奏興師挾撫被徐

泰等扶同扇誘苗人捏稱投認楊友管束爲詞誣哄

本官強奪前寨奏設安寧宣撫司并懷遠宣化二長  
官司脩築城池起蓋衙門役調數多衆苗怨恨成化  
十五年聚衆攻燒懷遠長官司靖南堡殺死守備土  
官男婦百十餘人後楊輝病故楊友通同張淵謀害  
嫡弟宣慰楊愛奏差三司何侍郎等會同鎮巡親臨  
勘處將張淵張深問究獠造妖言謀害人命重罪處  
決叅照楊輝不合溺愛庶妾之子濫設無益衙門引  
惹邊釁及開設衙門之時楊友年方一十三歲本以  
駉童冒功受職與楊愛構怨同處一州必致互相殺  
戮將楊友連家小遷發保寧府羈管閒住革罷宣撫

見素集卷之三

奏議

十三

山

等司衙門印信奏繳將重安長官司遷入安寧城內  
居住迄今二十餘年邊釁頓息近年以來被楊友希  
圖復任賄結隣境貴州所屬鎮遠施秉印水等縣無  
藉軍生吳卿等假以建言爲名朦朧代奏蒙行川貴  
撫按勘議不必添設備由回咨兵部查奏立案不行  
正德三年忽被楊友令家人石長子等潛結劉暹借  
兵薦進重安城內大張聲勢奪占城池節申上司未  
蒙會處以致楊友窺伺本年九月內棄脫保寧逃回  
重安大肆逞威僭封天首都把事名色分投糾拽隣  
境各處山前萬衆突入黃平草塘二安撫司白泥容

山等長官司地方張打旗號殺降官民詐稱

勅旨以烏江爲界黃平等五司地方撥與管束敢有不順  
斬草除根各司安撫長官挈家奔投鑽遠避難止有  
同知楊才固守楊友節次差人逼勒宣慰父子保復  
其官給還印信如有不從定統首兵過江攻殺一人  
不留只得曲保楊友又差家人監同去京具奏正德  
四年六月蒙分守川東道按臨撫勘先給告示發屬  
曉諭各苗革化歸附原管官司爲被楊友奸計輒請  
二司進興隆衛約會貴州該道議處乘機聚眾困逼  
二司挾要出與再設衙門降印保官其子文書遂爲

見素集卷之三

奏議

十四

山。

得計統領眾苗突攻黃平守禦所城捉虜楊才碎剝  
身屍砍頭去訖本年十月起至今正德五年二月以  
來驀被奢爵管下任唐阿曉等先後聚領挖獠兇蠻  
四萬餘眾分投各路攻劫播州所屬各苗打話去年  
以來楊友刻木送書與奢主人借軍助殺你播州言  
斷許我殺到何處占到何處節申鎮巡三司議處未  
蒙發兵救援致被得肆本年三四月以來復聚苗入  
境流劫其勢尤甚生靈肝腦塗地等因又據重慶府  
綦江縣申爲首賊出境事被蘭州等處苗賊前來梁  
村等處流劫王旻等五百餘家虜去男婦十餘口殺

死王伸等八名客商不計其數又將安穩里野茶墩  
高羨宗等家盡行劫殺聲言要往扶歡三溪等處各  
首口稱前來借路往保寧府劫取楊友家眷田還等  
因除行該府將楊友家人婢妾存留看守家財房屋  
妻子密切差官護送按察司收候防守外臣叅看土  
官地界多至一月程途安寧去播州僅六餘日何名  
別開衙門土官軍功不過厚加金幣楊友征山首僅  
十餘歲何功應保官職而楊輝之溺愛欺罔自明安  
寧設立衙門官職夷亂如彼革罷衙門官職夷靖如  
此今楊友謀復之奸始萌奪殺之禍大熾而衙門之

見素集卷之三

奏議

五

罕

建置利害又明易曰天澤履君子以辯上下定民志  
昔唐徇行伍置主帥任藩鎮邀朝命姑息成風禍亂  
莫救今楊友通播小夷構黨跋扈殺官奪寨大啓亂  
階若非明正典刑誠恐效尤難制但四川見征藍五  
又征楊友不無勞人伏望  
聖明力止亂源

特勅該部查議將楊友助兵代奏流土群黨行湖廣四川  
撫巡各按所屬查提官武職降二級總旗降軍與軍

各調邊衛帶俸着役文職與土民監生各發口外為

民土官奢爵王鳳儀革冠帶楊斌降宣慰使嚴限文

書到日爲始三月之內捕拏楊友楊弘石長子王小童并各首惡首天保川等同劉暹金洪楊春楊璽楊淳等各解官查審各該勘官有無賄囑亦就查提依律問罪情輕先行摘發情重奏

請發落殺虜入口財物燒毀房屋一依土俗賠償撫處停當奢爵王鳳儀方寢冠帶楊斌方復官職遣限不獲及各首仍復爲惡奢爵王鳳儀革職楊斌再降二級若仍回護致勞我師將土官通行革去另設流官庶法令嚴明兵糧不費朋邪知懼而邊方可寧緣係禁治群黨議處叛夷查提職官事理具本謹題請

見素集卷之三

奏議

共

旨

去致仕疏

題爲懇乞

天恩俯容致仕保全殘喘事臣氣體羸薄多疾早衰又因父老且病累乞休致荷蒙

俞允私心感幸父子相守畢殘年酬素分

陛下造化曲成之賜也不謂罪積緣淺臣父竟見背口血猶紅時月斯邁是日服闋是日有征勦川賊之

差義不可辭而精力不可耐謹束斂衣自隨越四日而離家越月有五日而到夔日兼數程衝泥沾濕顛墜日

常數四既至軍務叢委臣才短愈見勞懞每發兵則  
終夜不睡痢疾尋痊痰嗽繼作時發潮熱停刻無容  
休養即今風濕日深聽日重視日瞶心日健忘血氣  
日虛胃日弱粥食日以少進譬如老馬力盡策之而  
弗前腐根之木非兩濡露沐所能液潤之也恐即死  
無足副

上意伏賴

神謨渠魁日漸授首餘亦釜中之魚劉臬非死即逃杳無  
聲迹似亦未足深憂而安寧楊友之亂諸番之警郡  
縣盜賊之竊發尚厯

見素集卷之三

奏議

十七

之

聖懷然巡撫得人禍患亦弭臣實老加病力難強支雖

上恩浩蕩若在優容而下屬觀瞻自知非雅况臣一應錢  
糧出納俱付廉謹委官自不經手別無違礙伏望

聖明憫臣衰老之甚

特勅吏部查照養病都御史高明征閩事例容臣班師順  
回致仕使啓余骸骨得遂故山又

陛下造化曲成之賜也奄奄斷息愧伸一報以無期耿耿  
幽魂特先百神而助順無任懇切求憐之至正德五  
年十月二十日奏奉

聖旨林俊才行素著多効功勤方切委用宜用心勩捕賊



寇撫安地方所辭不允吏部知道

奪獲流賊印刀跡

題爲殺敗流賊奪獲印刀事據領兵川東道左叅政曹祥僉事李恕川北道知府張敏何珊呈正德五年六月等月蒙巡撫行委各領漢土官兵截殺大夥流賊藍廷瑞鄢本恕等各兵節勝賊節敗追過陝西大巴山西鄉石泉金州地方會合陝兵截殺獲功節報開

奏外本年八月二十三日賊圍陝兵川兵羅回等救出又發酉陽冉舜臣兵達從賊後衝殺斬獲兩耳小功五十四副各賊計窮渡任河不得將被虜婦女騾馬

見素集卷之二

奏議

十八

文

砍死分作二夥藍廷瑞一夥從小石河黃瓜溪要衝

金州鄢本恕一夥從三十六盤要衝二州堽康總兵

統領湖兵萬餘在金州梁山雲陽奉節義官徐敬之

等統民快弩手三千六百在二州堽各守把川陝會

同康總兵許領湖兵黃瓜溪夾攻不會前來曹祥李

恕領冉舜臣并石砧馬徽等兵為前哨張敏何珊領

羅回大渡河標手達新等兵為後哨分路追殺本月

二十七日藍廷瑞訪知金州有兵陝西三十六盤無

兵又合鄢本恕從鷄鳴坡黃瓜溪將虜去男婦二百

餘人放散砍木搭橋越過本盤因見陡峻沿途并崖

下跌死人馬數百本月二十八日到麻柳壩藍廷瑞見二州堦有兵難衝議要聽撫最惡老人王三兒怪說你起的事我殺了母親祭旗跟你如何後悔先殺了你藍廷瑞懼怕王三兒領賊當前衝關被徐敬之等敵鬪掀放擲石打死王三兒并各賊不計其數生擒四名本年九月初一日賊願丟騾馬金銀買路徐敬之不從又與敵陣斬獲長脚王老人等五十餘級奪獲腦包五十箇并絮被衣服等件追至小關子賊走過河淹死三百餘人生擒馱本恕男馱統發解賊八十餘騎跟奪只得砍死本月初二日賊分夥前來

見素集卷之三

奏議

十九

一

自卯至酉連闢七陣俱敗藍廷瑞因見官兵追近向賊聲說如今再無別路衝不過便死在此許來打話你不放我過關拜你四拜退去陝西莫要追趕各兵輕信怠緩彼力猛衝將徐敬之胥旺殺死餘兵鑽林被賊尋殺五六十人奪燒米四十餘石醫官張錦自刎身死陝兵就麻柳壩駐劄川兵追過土堦雞公灘本月初八日冉舜臣兵斬獲耳功七十二副生擒四名馬徽冉鵬兵斬獲耳功一十一副生擒六名本月初九日追至雞公嶺冉舜臣兵敵斬掠陣徐老人等耳功三十六副生擒二名馬徽冉輔兵斬獲六副生

擒三名汪林丁祥楊鎮何仁各一副張漢向銀生擒  
二口本月十一日賊奔湖陝城口山界川兵追襲去  
月十四日至巴河口賊二起九人探風被冉舜臣兵  
斬獲耳功八副鄉夫龐襲宗殺一人不割報功軍人  
謝受等擒獲二口本月二十二日追至繡雞嶺吏何  
定同達縣勇手奮勇過河賊多兵少齊赶到河何定  
赤身水中執弓對射賊方退隔江架梁遇冉舜臣馬  
徽魯忠田金并

旗牌官王來譚宣督兵俱到何定率同過河衝破賊陣

追敵二十餘里落水淹死不計其數斬獲耳功二百

見素集卷之三

奏議

三

一調

三十九副生擒二十四名至風扇埡藍廷瑞設酒請

馮本恕議降馮本恕又怪要殺嗔說再看如何大寧

分開一兩人逃走亦易賊老營極高架梁冉舜臣兵

吶喊徑衝上梁各賊大敗走上高觀山官兵在陝口

各劄營本月二十四日早賊分前後左三支衝營馬

聰先期發兵架梁酉陽石砭羅回等漢土兵亦分三

支迎擊賊又大敗乘勝追至高觀寺敵圍何定領兵

要衝老營尋無路道本月二十五日馬徽真奮勇衝

營賊來追趕張敏何珊羅回將賊射退譚宣等兵又

會藍廷瑞馮本恕見得馬徽兵近疑是賊勝回還歡

喜問信被馬徽等兵趕殺官兵從後放銃吶喊西風甚急聲震如崩賊又大敗登山架梁冉舜臣兵追趕賊搥石打傷二兵各兵奮勇直衝上梁賊丟下男女五六百人騾馬八千餘匹阻塞路道領兵官督令各土兵將騾馬砍死直趕過山斬獲耳功二百三十三副衝鋒老人蕭伯瓊奪獲藍廷瑞偽號順天王管軍萬戶府偽印一顆何定奪獲關公大刀一把未刺字偽稱玉印即水晶印一顆周畿奪獲景泰元年天威一千一百二十四號

頒降不知何衙門碗口大銅銃一口重一十一斤藍廷

瑞隨身金銀三駄被兵擄搶一駄藍廷瑞荒張賊衆六人扶伊逃走餘賊追趕下崖跌死男婦騾馬不計其數三溝俱滿土兵鄉夫四入下崖砍殺未盡強賊內有少婦二口壓在馬下叫說藍駟老人妻小俱在溝底帶有金銀一十八斤你來救我各兵拖扯不動見有強賊身騎白馬前來天色亦晚只得俱退收拾未盡騾馬尚六千爲因追賊地遠糧夫難到日又缺食將馬亂殺割肉充饑尚約騾馬二千餘匹土兵分收男女審有籍貫給票照回訖各兵回營當夜賊將跌溝人馬通燒未盡藍廷瑞駟本怨就彼痛哭與妻

燒紙因見事迫山險男女累重騾馬難行不忿丟與官兵自行砍死十五歲十六歲男子味溪一處四十餘人密柴河魚洞子二處各三十餘人沿途婦女騾馬數百土兵尚收遺下騾馬四十餘匹藍廷瑞將銀二馱通行散與手下心腹四十餘賊令各走散至小坎山百丈懸崖前無路道轉彎倒樹一根傍生茅草賊疑木橋向上奔走跌落身死六七百人餘賊男婦尚約二三千人鑽林奔走搜山斬獲耳功一百零九副生擒男婦二十九名口前後奪獲賊旗二十七面

賊印銅木共五顆賊批一十五張賊卯簿二扇鉄鏡

見素集卷之三

奏議

三

一調。

二把賊神八座腦包賊衣護心鎗刀箭袋共二百七十一件其餘鎗牌鞍轡數千路險難搬丟棄山澗各賊奔走松家山馬邊河分為三夥一夥走湖廣房竹脚跡稍多林密山險無路進兵一夥走陝西平利脚跡頗少一夥走大寧脚跡亦多發兵把截回路行文湖陝就彼發兵截殺大寧選精兵三千追趕餘兵轉蹴其前夾攻等因又據鄉夫范金積捉獲賊老人秦景榮總甲吳全捉獲賊總甲徐么子并虜去為妻古

么女賊從王子賢王伯祥并總旗打手地方楊鎮張鸞王海隆周仲方王大宗王金典史涂仁捉獲賊男

婦劉聰王章廖天益小端公張奉山謝萬明駟本駟  
等及李明通認獲投營王相等共二十一名口斬獲  
耳功四副除跌崖落水等項身死及各土兵收留隱  
匿未報不論外通計耳功八百二十七副生擒九十  
八名口各到臣審據秦景榮等執稱藍廷瑞管軍萬  
戶府印係眉州古樹中檢得不係自造大刀名關王  
刀不知何處得來對賊聲言天賜我印刀佐天大王  
草寇三年因此各賊歸附駟本恕在小坎山跌死俱  
難憑信二州堽差人數至河下死屍三百四十四軀  
地方執稱賊殺兵快約有百人餘俱賊屍其騾馬照

依兵法克賞土兵子女待兵回官與贖取并解到入  
贓給發問決釋放外切照大巴山星子山三十六盤  
脩立山高眉山黃墩望信松家山等處危峻無比秋  
多積雪皆緣藤接索釣崖下上又有陡壁千丈天臨  
不測之淵荒路一線時復中斷獨木引過賊行多墜  
逆料我兵決不能追不想曹祥李恕張敏何珣魚貫  
猿攀率兵偕進步數里之深叢渡踰曾之深水至經  
絕險慰安前行露宿風餐少壯成老因此賊敗但晁  
後追奔房竹平利二夥因險中輒分屬湖陝之兵亦  
侶一欠臣再督掄勦務期盡絕外叅看各賊慘酷兇

狂天醜其惡屢致消滅雖惡首未即就擒然騾馬垂  
盡長技已去群心亦解勢難復感仰賴

皇上勇智

天錫添設總制督師及將士用命之致臣提兵三月尚漏  
元兇老師費糧深負罪愧除秦景榮監候藍廷瑞鄔  
本恕等各獲問報前後有功漢土官兵通行紀功覆  
實具

奏定奪伏望

特勅該部查議將領兵曹祥李恕張敏何珊先量具

奏旌擢以勵勞臣緣係殺敗流賊奪獲印刀及旌擢勞

見素集卷之三

奏議

二五

一調。

臣事理謹題請

旨

災異處置地方疏

題爲災異事據保寧府通江縣申正德五年六月初十

日辰時分本縣對面隔河壁山無故山崩石墜聲如

震雷本年九月二十四日申酉時分縣西新築城垣

城門內外無故地裂土縫縱橫文如劈斧思當流賊

擾攘之際值二異常之變民心驚惶誠恐有關時運

人事到臣案照先據成都府威州申本年七月十五

日巳時分本州地震如雷自西而起向東而去茂州

本日同時地震有聲自東而起向西而去潼川州  
樂至縣申本年九月十九日寅時分地震街市房屋  
俱動夔州府申本年六月二十日午時大竈民謝得  
安家火起延燒居民房屋一千餘家重慶府酆都縣  
申本年七月二十六日夜一更時分天墜火星蘇么  
老屋上隨即火起惡風大發將本家并街坊三百二  
十餘家并本縣儒學公廨泮宮坊牌豐陵驛城樓城  
門鼓樓板房等項俱各延燒重慶府申本年十一月  
二十一日天色陰晦當夜戌時迅雷大震閃電交作  
人民驚駭等因前來及查本年三月初二日午時分  
夔州府并雲陽縣同日地震本年四月二十六日巳  
時分通江縣鸚哥鋪營頭星墜大如斗尾長丈餘碎  
星附其尾等因已經具

見素集卷之三

奏議

五

六

題外今該前因臣叅看天宜順而熒惑營頭為崇雷電  
作於冬月至不順也地宜靜而山崩地裂地震至不  
靜也是皆政急兵起土崩之兆夫天道人事常相孚  
四川古稱多盜亂必居先平必居後在漢有公孫述  
在宋有孟昶在

國朝有明昇皆最後服其他王小波板循張弘白馬胡  
廬州夷與近時劉千斤趙鐸野王剛石和尚羅端公



楊亨小楊兇党廷方藍四之徒不可枚舉然皆無如  
今日之甚訪問故老委因賊臣劉瑾故亂天下以資  
逆謀革巡撫兵備撫民巡捕統理專理俱無其官守  
巡巡歷難週強盜乘時生發此盜之所由起也荒旱  
連歲不容奏災盜賊四起不容奏

聞此盜之所由盛也慘毒兇狼犖官罰米緝辜取禽鳥等  
物騙索無厭賊瑾取之官官取之民手下差遣又因  
爲利剥民至骨盡離其心此盜之所由縱也興師動  
衆居送行齊不勝楚毒貧民重困視官如囚至越名  
分輕公法劫縣殺官擒戮方面而無畏夫賊瑾所致

見素文集之三

奏議

三六

徐

夔保強賊五七餘萬三省夾攻勢已大挫僅二三千  
人軍兵從後急追尚能收拾散盜敵殺一方面一典  
史攻劫三縣治今雖添兵會勦豈能遽絕賊瑾所黨  
楊友激出南川之盜數不至千亦能殺一方面一府  
官二巡檢掠執一方面攻殺二縣治今雖集兵擒勦  
豈能遽盡而播州之患又重且大近在旦夕四川倉  
庫匱竭見今兵餉日苦不給而松潘各邊月告無糧  
調運不休他變必作臣恐首亂者致亂而救亂者亦  
生亂况臣出入賊區巡撫政務無暇經理自念分甘

一整述久付於雲泉

詔起兩川命重懸於鋒刃然鞠躬盡瘁繼之以死臣所  
也至於成敗利鈍非臣所能逆覩伏望

聖明垂念地方亂之甚易而救之甚難將賊瑾賊銀量發  
數萬差官前來賑濟以收川民既離之心

勅戶部從宜區處各布政司兩直隸那借官銀共二十萬  
兩以實川邊及軍儲等用稍輕舊則限定生員入監  
知印承差吏典參充各名數行令自願納銀以足補  
為限四川生員入監亦定名數并知印承差吏典義  
官各納銀以高厚城垣脩蓋被賊燒燬公廨舖舍等  
項及增實各倉預備之穀以足用為限擇委有司督  
理守巡督查俱出雇買不科役民一財一力其清軍  
監察御史政務頗暇專令督察毋容貪濁乘機迫納  
及科索起送公堂紙劄并剋落重派虛費等弊

勅兵部會府部大臣議處楊友衙門官職應否與復明白  
奏

請毋仍展轉行勘致誤地方若不應復乞降榜文曉諭川

貴湖廣附近播州流土衙門不許暗助楊友為亂其

楊友果能革心悔罪宥以一家死罪回居保寧安寧

太平應得田產此賣彼置兩斷往來永杜後禍如再

叛逆決行征勦黨惡助亂法在不赦以絕楊友受孽

之念楊斌謀陞按察司官職亦行革去手下助惡科  
欽家人管事并楊友助惡殺害家人苗頭撫到官如  
法究治以釋苗民剝削戕戮之忿

勅吏部專任才名風力司府等官及會推公謹忠亮精力  
大臣

簡命一員前來巡撫臣專討藍賊天幸成功得貸萬死容  
歸骸骨庶官使得人民困可蘇盜賊可息邊患可消  
而天變可回緣係災異及處置地方等項事理謹題  
請

旨

見素集卷之三

奏議

天

江津捷音

題爲捷音事節據領兵副使何珊呈正德五年十月  
蒙巡撫委同守備大壩以都指揮體統行事指揮李  
蔭帶同舍人韓恩等領兵征勦攻打縣治執戮方面  
流賊曹甫等除節獲首級四十三顆副生擒一十一  
名口殺死一百七十八名馬四十七匹開報具

題外本年十二月賊移黃巖驛聲言要攻瀘州曹甫曹  
濟党么兒稱總兵設卯簿揀選殺手四百六十九名  
編立旗甲餘外投營被虜男婦約二千人架梁發哨  
檀打報帖僭稱順秦王明正元年統兵來瀘州仰掌

印官多備糧草伺候及逼州城聲言官備銀三千兩  
城內鄉官大戶湊銀二擔買免攻城詎續委分巡副  
使蔡鍊同何珊李蔭嚴加守把巡撫節行撫諭本月  
初九日曹甫等對州沙灣詐願聽撫蔡鍊等今韓恩  
同伊弟韓懋乘船江中撫講韓懋尋復登岸面會曹  
甫陽順陰違蔡鍊等又拘曹甫戶長曹永金等招撫  
曹甫將綠段旗一面上書青帝旗帶見蔡鍊說稱六  
月十二日二百餘人赴州聽撫要備酒席當早曹甫  
又不願撫同已殺弟曹瑄領賊流劫小市廂李蔭同

韓恩領羅回等兵過江敵鬪斬獲曹瑄等首級一十

八顆生擒四名奪獲馬二十六匹腦包弓鎗賊衣共  
一十八件本月二十三日李蔭追至史壩驛敵鬪一  
十二陣斬獲首級并兩耳小功共四顆副生擒四名  
殺死未砍首級八名射傷十名射傷馬一十餘匹奪  
獲腦包弓鎗賊衣一十一件本月二十五日各賊仍  
移江津馬鞍山幸家壩胡玉璽等家分劄七營聲言  
要攻重慶巡撫議令蔡鍊同叅議錢朝鳳固守瀘敘  
催兵督餉何珊李蔭追賊江津正德六年正月初一  
日巡撫親督酉陽播州土兵前來江津通發李蔭添  
領本月初二日寅時攻破党么兒等四營斬獲首級

一百九十一顆兩耳小功一副生擒賊婦二口奪獲  
腦包一十二箇騾馬三十一頭匹另外砍死騾馬三  
十頭匹餘賊敗入人家土兵圍守放火燒死三十餘  
人李蔭同從征重慶衛指揮汪洋張勇將功驗訖西  
陽土兵乘勝再搗老營曹甫等設伏死戰土兵稍却  
殺死汪洋并兵夫四十餘人執去瀘州衛百戶胡經  
播州長官王墳江津義官江都賊知大挫併入胡玉  
璽家大營令方四張孫兒汪鵬同趙金統對面方山  
劄二小營逼令王墳依寫願撫呈文與胡經等送回  
巡撫又差生員傅禮入營撫諭曹甫執要銀二千兩

贖取王墳及與重慶住食不肯分散巡撫令李蔭統  
領土兵四千六百餘名并鄉夫等兵進合山坪與賊  
相隔一十五里劄營軍令先射馬次射人又恐濶殺  
老幼令傅禮進營挾撫曹甫等愈加生拘大言我俱  
是老殺手隨他土兵總是不怕傅禮回報本月十二  
日五更時分曹甫探知精兵在營江津守兵輾脆議  
發一支拒敵兵營另發一支勇漢二百騎徑衝江津  
三十騎先鋒出哨不意巡撫督催李蔭兵三支先進  
至佛子崖與賊相遇標手將穿紅突陣賊首白馬標  
倒僵回等奮勇敵斬一十五級餘賊追逐不及回轉

我兵圍住老營賊方知覺倉卒閉門備馬出戰被王  
塤誑說兵多不好出巡撫實要招撫我與你退兵乘  
機走出指點土兵一齊放火及上房敵聞巡撫又委  
書吏軍牢并楊瑞韓恩等催兵各殊死戰斬獲各首  
曹甫曹濬曹弼曹珣曹玉何裁縫張端公張外卽曹  
永興周黑子李寨長王長生曹珠汪鵬但廷秀等首  
級并兩耳小功共五百一顆副殺死未割首級不准  
功二百九十名生擒賊從并曹甫妾陳氏曹濬妾楊  
氏曹珠妻張氏曹玉妻党氏曹珣妻任氏張外卽妻  
王氏但廷秀妻張氏周四妻徐氏等三十五名收回

見素

卷之三

奏議

三

四

被虜老幼男婦七百二十名口燒死九百餘名口奪  
獲騾馬八百餘頭匹斬獲騾馬四十二尾腦包八十  
箇賊卯簿三扇我兵全勝功級生擒巡撫軍前驗發  
何珊責令賊婦供認賊首各級俱在止有曹甫汪鵬  
但廷秀親見殺死認無首級恐供不實未決存亡惟  
方四等方山二小營走脫簿查正賊方四下僅六十  
六名汪鵬下僅九名張孫兒趙金統下各僅十名又  
多在陣殺死及鄉夫陸續擒斬共七十九名顆在逃  
正賊似不及三五十人并被虜老幼男婦不及百餘  
發兵發牌四處搜捉想難漏脫李蔭楊瑋親驗胡玉

璽家住房九十餘間燒死賊屍枕籍數重三日未盡  
楊氏雖係虜來爲妾催兵上陣殺人尤狠等因到臣  
除楊氏及真賊照奉

欽依軍前斬首首級分發梟掛賊屬問發被虜給主騾馬  
充賞腦包鎗刀馬尾貯庫未獲方四等仍發土兵追  
勦及嚴督各隘俟拏有功官兵另行造冊具

奏外臣會同四川鎮守太監常興巡按監察御史俞縉  
議照賊首曹甫曹濬等通誅宿寇大肆猖狂虎闖邁  
干魁酋梟雄挾其絕技蹂躪我數縣睥睨我大州甚  
至執戮風憲僭書名號而無忌兇獷効尤遠近俱震  
師貞而吉狡三窟以徒營天禍其盈收一網而俱盡

斯固

朝廷之福川蜀之幸成此大創者也然臣仰窺

聖意以愛人爲德而臣顧以殺人爲功不勝罪愧首末領  
兵李蔭尤爲屢危不憚及前征東鄉有功今仍擇委  
征藍合無將本官量陞都指揮僉事職銜以便行事  
緣係捷音及陞任官員事理謹題請

見考

卷之三

奏議

三三

五

